

清江縣志卷之十一

名宦

語有之蘭過而香留珠移而水潤謂有餘芳有餘澤也吏斯土者莫更僕數或久則湮沒耳其有清聲礪節惠愷旁敷浹洽人心久而不忘且相率俎豆之則口碑至今在矣詩曰職思其外職思其居殫乃職無愧於斯民民德之豈以權術要歟撰名宦志

秦志名宦始宋李朴迄明盧兆龍祇知縣十一人教職四人府志明宏治間補知縣一人於盧令後增知縣二人教職二人合之凡二十人中閒佚漏

頗多鄧志探正史別史及各郡邑志書諸家文集
別錄宋以前補縣令四人宋補知縣八人縣屬五
人凡十三人元補縣尹一人教職一人主簿一人
凡四人明補知縣十四人署縣四人教職七人雜
職一人凡二十六人

國朝增知縣九人教職四人縣丞一人凡十四人合
秦志凡八十餘人又採附武名宦十餘人蓋已增
補十之七八矣今距鄧志之修僅四十五年博采
輿論增輯知縣二人縣丞一人凡三人以志慎也

係共十人

○晉羅 綏

○南齊朱巽之

○梁黃法麤

○南唐吳 鸞

○宋李 觀 ○袁逢吉 ○任伯雨 ○李 朴

○童 蒙 ○傅夢泉 ○常 楮 ○張華國

○徐 範 ○吳應酉 王琮 ○王洪若 ○羅 耕

○李長庚 ○趙孟濟

○元趙 文 ○張悅遂 ○趙浚明 ○楊 介

○明陳 靜 ○張美和 ○唐 昌 ○貝 詢

○葉 淇 ○李 璉 ○姚 璣 ○萬 琛

○陳 護 ○殷雲霽 ○王 泰 ○狄 冲

○史元中 ○陳時芳 ○朱元誥 ○沈 儀

朱安期 ○ 廖文光 ○ 王圻 ○ 胡志良
 冉希學 ○ 江鼐 ○ 蔣南山 ○ 陸書
 陳承勳 ○ 郭惟賢 ○ 劉鑰 ○ 劉養志
 吳縝 ○ 張汝霖 ○ 李徵儀 ○ 王賓賢
 李茂英 ○ 康元穗 ○ 鄭朝棟 ○ 周宗文
 陳宜慶 ○ 盧兆龍 ○ 梁士濟 ○ 王心純
 湯瑞至 ○ 秦鏞 ○ 曾若沼
 國朝洪其清 ○ 劉玠 ○ 張暎 ○ 屈有信
 王廷諲 ○ 楊麟貴 ○ 徐斯適 ○ 甯堯采
 宋希賢 ○ 郭士佩 ○ 石杰 ○ 沈顥文
 彭之錦 ○ 沈廷標 ○ 周秉衡 ○ 鄧廷輯
 彭延慶 ○ 李大謨 ○ 新蕭錦

晉

羅綏，未陽人，令新淦，有惠政。新淦人楊羨，後為其州將，引綏子含為主簿，及羨去職，含送之到縣。新淦人以舊宰之子，咸致餽遺。晉書羅含傳

舊志清江樟樹鎮，即隋以前新淦治所，而吳平縣治亦在清江境內。凡紀事當以治城為經。故羅綏及後朱黃二人，俱據史錄入清江。其新淦既遷以後，不載。

南齊

朱巽之，字處林，吳郡錢塘人，有志節，著辨相論，幼時顧

巴山新建六

代地名詳見元

和郡縣志陳

割新淦屬巴

山郡隋開皇

中郡廢入臨川

即今之臨江府

也吳少帝二年

分臨汝為新

建縣梁改曰

巴山即今撫州

之崇仁縣也

與南昌府之

新建相距數

百里今之新

建宋太平興

國中始從南昌

縣析置黃司

空乃梁陳時

巴山郡之新建

人史傳自明何

得刪去巴山二

字移作南昌

物舊志及豫

歡見而異之以女妻焉仕齊官至吳平令南史朱異傳

梁

黃法氈字仲昭巴山新建人少勁捷有膽力頗便書疏

閑明簿領侯景之亂陳武帝入援建鄴命周文育屯西

昌法氈遣勁兵助文育時法氈出屯新淦縣景遣行臺

于慶來襲新淦法氈拒戰敗之武帝亦遣文育進軍討

慶文育疑慶兵強未敢進法氈率眾會之因進克笮屯

俘獲甚眾梁元帝承制授交州刺史資領新淦縣令封

巴山縣子仕陳歷征西大將軍加侍中進封義陽郡公

薨贈司空諡曰威陳書

黃司空者志列入撫州人物

南唐

吳鸞字棲梧撫州崇仁人南唐初為蕭灘鎮巡使昇元

二年建言蕭灘之地當南粵虔吉袁洪之衝舟車輻輳

去屬邑遠編氓牒訴嘗患不及官有徭役辦集愆期又

有庾廩兵戈之積非為邑不可遂即鎮建清江縣以鸞

為縣令民甚便焉後致政家於新喻之北以吟嘯自適

而終採新喻縣志合舊沿革志

宋

李觀字夢符宜春人慶歷二年試南宮賦偶落韻主司

愛其策特奏名登第時方弱冠以著作佐郎知臨江軍

清江縣時歐陽修護鄭太夫人喪歸廬陵舟過清江太

守請觀為文祭之嫌其簡率觀曰無深訝也既而修閱

文擊節稱之觀後因上言役法不便通判處州終於朝
議大夫能改齋漫錄

袁逢吉字延之鄢陵人開寶八年擢三傳第釋褐清江
尉逢吉性修謹練達時務知州王明薦其能除豐城令
歷官鴻臚少卿宋史宏簡錄

任伯雨字德翁眉州眉山人自幼矯然不羣邃經術文
力雄健登進士調清江主簿郡守檄使涖公庫笑曰里
名勝母曾子不入此職何爲至我哉拒不受擢知雍邱
縣民外戶不閉部使者上其狀召爲大宗正擢右正言
入黨籍後贈左諫議大夫謚忠敏宋史

李朴字先之虔州興國人登紹聖元年進士調臨江司

法叅軍朴自爲小官天下高其名蔡京將彊致之俾所
厚道意許以禁從朴力拒不見京怒形於色然尚優容
之移西京國子教授程頤器之嘗以洛中風波爲戒朴
曰不意先生亦爲此言頤爲改容愧謝以言孟丘不當
廢追官勒停會赦注汀州司戶以陳瓘薦召對言熙豐
政體蔡京惡之出爲虔州教授又嗾言者論朴元祐學
術不當領師儒罷爲四會令改承事郎知清江縣政教
嚴明吏民畏服遷著作郎歷國子祭酒秘書監卒贈寶
文閣待制同上

鄧志曰按李朴之父潛嘗知新淦有惠政又贛州
志云朴被謫南歸貧不自給臨江蕭建功爲築室

江上以居之且割田以爲養朴死以女妻其子燮
據此則李朴後固居於臨江也

童蒙字敏求南城人家貧聚小兒授學以自給政和五年登進士第知清江縣操行廉介有政聲歷官至承議郎知蘄州人物志

傅夢泉字子淵新城人受學陸九淵又從朱子張栻遊登滄熙二年進士爲人機警敏悟疏通洞達宰寧都素憚難治夢泉一化以道調清江紀綱方振遽卒周必大稱其政有光前耀後之美雖西漢循吏未足比云陸氏學譜

常楮邛州人慶元初以儒林郎知清江縣初建社倉春貸秋納遇歉全蠲息米一倣朱子之法民甚賴之秦營

建志

張華國嘉靖初知清江縣興學養士專務以德化民嘗得米芾所書獄空二字勒諸石付獄中不三月獄果以空告縣學舊附軍校齋舍逼隘華國始改建別地殿廡堂齋規制完美遷判隆興府攝吉州俱有政績文天祥集秦學校志

徐範字彞父侯官人少孤刻苦授徒養母未嘗疾言遽色登嘉定進士授臨江軍清江尉賑旱多所裨益歷官有治聲嘗召赴行在言功利不若道德刑罰不若恩厚雜霸不若純王異端不若儒術諛佞不若直諫便嬖不

清江縣志 卷十一 名宦
若正人奢侈不若省費盤遊不若節儉玩好不若宵衣
旰食窮黷不若偃兵息民終都官郎中兼國史編修以
朝奉大夫致仕卒。宋史宏簡錄

吳應西王琮俱淳祐間知清江縣相繼增修學校見秦
學校志

王洪若景定元年知清江縣時城池被蒙古兵殘破廟
學蕩燬無遺洪若至因舊基重建殿廡齋舍煥然悉復
其故見秦學校志

羅耕字存叟廬陵人登開慶元年進士調臨江軍清江
縣主簿父士友號有家法勅之曰汝爲廉吏卽不辱吾
耕素修謹聞訓益勵有名聲於時再調贛州濂溪書院

山長

文天祥集

李長庚字子西新昌人任清江尉調湘潭丞適元兵至
同官俱遁長庚攜諸司印居守被執不屈死之。人物志

趙孟濟宋末知清江縣詳人物列傳

元

趙文字儀可一字惟恭號青山廬陵人初名宋永嘗三

貢於鄉由國學上舍任南雄府教授宋亡隱居不出時

當路屈耆年碩學主湖山講席強起爲東湖書院山長

尋授清江儒學教授詩文脫畧崖岸獨自抒其所欲言

晚年以埋學自任進進未已臨川吳澄嘗畱書云邇來

舉子業廢稍能弄筆造辭者英華無所發洩拈掇小詩

之外闕或以此爲務合東西數道可俚指者不三四而足下其一也元百家詩小傳

張悅遂至正間爲清江縣尹廉介有守興舉學校時縣學師生廩給不繼宮牆頽圯莫克完聚宋張洽所建主一書院亦久廢不治悅遂與路守木八刺樽節區量收民田之願鬻者優其直使無虧於民覈其實使無虧於學由是田入學與書院歲計俱充又捐俸修先聖殿門廡齋舍煥然一新學碑

趙浚明宜川人至正間爲清江儒學教諭好學多文課士有法嘗佐守尹購置學田贍給諸生且爲之記同上楊介字公望泰和人強敏倜儻博極羣書而深於辨論

至正十一年以父翰林待制景行蔭授清江縣主簿到官卽杜謝請謁冰蘖自持府史有欲援事以挫之者介不爲屈至抱牘庭下辨詰不少變府史喞之會朝廷以言者更造交鈔徵買料墨於江西卒以監運擠介介匍匐暑途上計於所司時國子助教吳當太常奉禮危素皆介故人爭惜而留之不可乃賦竹溪行等篇而歸時山東河南北以修河北亂紅巾盜起淮穎趨閩道復命於行省遂移病歸明年三月紅巾渡江袁臨瑞吉相繼陷覆監州辟介出戍介嚴約束身先士卒寇不敢犯未幾陳友諒兵至令錄寓官以備用介言於衆曰苟有見汚吾辦一罵速死耳遁迹山中鬱憤卒槎翁集

明

陳靜洪武初知清江縣時海內初定詔所在州縣並立學校置生員清江學宮經兵燬久廢靜與郡守劉貞協心修舉廢墜聘邑人張九韶為縣學師酌定規式殿堂齋舍具新又奉制建立社稷山川城隍諸壇廟遷縣廨於府署右至今仍之學校志

鄧志曰按隆慶府志明代縣職官始陳靜舊志據危素天寧寺碑記增李惟敬於陳靜之上考碑記李惟敬乃明太祖吳元年縣令非洪武元年也而學校舊志云洪武四年知縣陳靜教諭張九韶修縣學蓋洪武二年詔天下州縣俱立學至陳靜任

縣事始奉行也其營建志中各壇祠俱云洪武初建亦在靜任縣時雖係奉制興修然其功未可泯舊府縣志不為立傳今特補之

張九韶洪武初為清江儒學教諭詳人物志列傳

唐昌蒼梧人景泰中知清江縣嘗募富人輸粟賑饑請勅旌之又稽考歷科登第及鄉貢題名勒石植縣學中以勸後學清庠志

貝昫上虞人景泰間以舉人任清江教諭與訓導邢寬

錢英等立科甲題名碑泰和尚書王直為之記同上

葉洪山陽人景泰五年進士天順間知清江縣政平訟理民不忍欺以學宮漸圯購良材於荆楚興作未竟功

以憂去後擢監察御史歷官巡撫山西拜戶部尚書太子太保

林志

鄧志曰施府志及秦志葉淇傳作成化間知清江考錢溥學記乃天順間也通志作成化進士尤誤

今俱訂正

李聰安東人成化二十三年由舉人任清江知縣繕修學校擴基興作有加舊觀又葺理縣署俱不費公帑不腴民力

秦營建志

姚巘鄞人成化間以國子生任清江訓導請於學使及郡邑長清復學宮侵地經營興修身親其勞費不妄而功克成巘之力為多焉

沈榮學記

萬琛字廷獻宣城人宏治間由鄉舉為清江知縣繕治署廨建堂曰存心政平訟理民大和洽改瑞金居數月廣賊乘元旦夜殺門卒攻城突入琛從兵壯數十人迎敵相持經日遇害守臣上狀詔贈光祿寺少卿賜祭塋蔭一子入監

府志參贛州志

陳護字宗湯番禺人以學行稱宏治壬子舉人任清江知縣清謹平恕不擾而民自化護為陳獻章高第弟子在清江獻章寄以詩云君若問鳶魚鳶魚體本虛我拈言外意六籍也無書

白沙弟子錄

殷雲霽正德中知清江縣民朱鎧死於文廟西廡中莫知殺之者忽得匿名書曰殺鎧者某也某素讐鎧眾謂

不誣雲霽曰此嫁禍以緩治也密問左右與鎧狎者誰對曰胥姚明雲霽乃集羣胥於堂曰吾欲寫書各呈若字視明字類匿名書詰之曰爾素狎鎧柰何殺之明大驚曰鎧將販於蘇獨吾候之利其貲故殺之耳稗史

王泰慈谿人正德中由鄉舉爲清江知縣舊以里甲值日科取無度泰至除十之七會部使督餉急泰曰知縣可辱吾民不可迫初縣學被華林寇燬知府熊希古知縣陳律重建禮殿未竟而去泰白於上始成功建倉備饑財力不與於民卒於官無以爲殮知府戴德孺爲經理其事士民哀之明一統志

狄冲溧陽人正德進士嘉靖二年任清江知縣舊輸秋糧率假廩民舍冲始於廣濟門外近江岸建便民倉旣免侵漁之弊而船運亦甚便之秦營建志

史元中字德良號鹿泉少貧牧牛田間喜讀書長任俠善射酒酣橫弣賦詩人以爲狂已應諸生試舉於鄉再上公車卽謁選清江學教諭捐俸葺號舍十六間月集諸生會文評隲悉愜衆情尤喜賑貧乏士兩應湖廣四川聘典鄉試稱得人遷知魚臺縣再擒大盜撫軍曾銑手書平寇第一功三年入覲會曾銑被害遂致政歸浦上耆舊傳

陳時芳石埭人以國子生爲臨江經歷嘉靖十年署縣事建啟聖祠又建敬一亭於講堂右學校之制至是益

大備焉

學志

朱元誥、樂清人。嘉靖十年，由歲貢知清江縣，修舉廢墜，建旗纛廟，改建縣治內聽事堂，又於署西偏治書圃，作亭軒其中，榜曰夕佳園。

秦營建志

沈儀、仁和人。由鄉舉。嘉靖十七年，知清江縣。舊有預備倉五，久而漸廢。儀改建於治東北，歲積穀以備賑。

同上

朱安期，字子和，晉江人。嘉靖庚戌進士。三十年任清江知縣，政尚寬平。嘉惠學校，里甲徭役必以均蒞，訟讞決法弗輕入，以陞任去。士民遮留信宿，依依不忍舍，人方之何武云。

隆慶志

廖文光，字士龍，一字明河，上元人。嘉靖四十一年，由舉

人任清江知縣，剪穢振靡，平賦均役，汰郵傳冗費，剔吏胥積弊，佐叅政陳大賓遷建府學，又以縣學逼城闈，抗議請改作，規畫位置，費不煩而速成。執法不避權勢，有鄰郡執政僕橫甚，文光擒而置之法，轉廣信同知。郡有商被盜幾死，有神呼之，告於廖，商隨投告，獲盜抵罪，擢戶部員外郎。

自得堂集叅江南通志

鄧志曰：廖文光，舊志作湖廣藍山人。謝志錄江南通志，以爲上元人，未知孰是。

王圻，字元翰，號洪洲，上海人。嘉靖乙丑進士，授清江知縣。邑田糧多欺隱，歲久弊積，圻出令丈量，先期與吏民約，單車履阡陌，窮陬僻壤，靡不至。圻精勾股法，圖冊既

成遂爲百世永利、豪猾胥吏無敢作奸、後之規賦役者必取衷焉、尤銳意右文、置學田、增號舍、鑄祭器、又刊布繩尺論以訓諸生、其他與除諸政悉稱是、調知萬安縣、秦志
歷官叅議

胡志良、字暢所、淮安桃源人、隆慶二年、由歲貢任清江知縣、剔蠹振弊、節費釐奸、形民力之衆寡、酌地理之遠邇、立爲稅限、民咸便之、歲歉遣使分糴四方、平出之以調踊直、察民有餘粟者、勸輸以調困乏、卒於官、民懷其惠、哭之甚哀、自得堂集

冉希學、號陽池、湖廣石門人、以歲貢爲天台訓導、隆慶元年、改訓清江、砥行績學、立教寬而有制、與諸生接、披豁洞朗、朝夕以道德節義相惇勉、不獨以文藝爲尚、時僉事蕭鳴邦、致政歸里、一見輒歎爲真人師、擢崇仁學教諭、邑人思之不忘、多爲詩寄之、同上

江胤、號伺齋、海州人、以歲貢爲孝感訓導、隆慶三年、擢清江教諭、廉靜剛方、諸生新入學者、舊皆具束修、而後堂謁、胤奉案卽召就學、一介無所取、歲時餽遺亦多、卻之博極羣書、隆冬盛暑、嗜學不倦、修舉廢墜、葺講堂、增黌舍、知府管大勳修府志、以胤董事、悉本鄉評是非、爲采錄、有貴勢求錄其先人、峻拒之、一無所阿、時巡按任春元、舉錯視昔加嚴、特署胤上考、曰敏彊貞介、敷教詳明、士大夫聞之以爲允、同上

清江縣志 卷一
蔣南山者失其名隆慶間爲清江鎮稅課局大使稅額
敷而商賈不擾有諸生李某兄弟以田付田夫而裹糧
讀書足不履阡陌者數年田夫意其久且忘之也據其
田廬而改創之曰此吾舊業也或以告李生視之信訴
諸守命南山往覈之未行而田夫持賂至南山力却之
至田所訊居民皆曰李業也南山曰然吾於其賂知之
矣田夫慮難誑轉乞有力者數持金啗南山南山怒亟
報守卒治田夫罪復李生業旋擢新會縣主簿同上
陸書字南元常熟人隆慶五年由舉人知清江縣單車
履任日求民所好惡興罷之定稅限清役法平獄訟節
供應尤加意造士先是知縣王圻嘗置學田後以人文

日盛慮不能給復捐俸置田租百二十餘石以待貧士
不時之需考滿賜勅嘉獎旋請養歸士民留之不能得
攀送者幾萬人張春學田記

陳承勳號源泉揭陽人隆慶間由舉人爲臨江推官鋤
猾植良奸慝無所容同官希風旨或以重入人罪爲能
承勳執不可曰柰何銅人於盛世屢視屬邑象俱有治
聲萬厯初攝清江縣事承勳曰吾習知清江官利其羨
民重其困矣令民自計田賦輸租毋溢額又詰諸吏侵
漁金若干以給公需上官有求貨賂致私交者拒不應
會考滿當晉秩父老牒於上留之然承勳以不阿積忤
當道久欲劾之無閱可指以遷去自得堂集

郭惟賢字哲卿晉江人萬曆甲戌進士授清江知縣縣倚郭當衝郵又舊多逋賦惟賢酌定驛規申緩夏秋稅期自是民得甦息征輸以時訊牘片言立決不逾時輒罷去愚民爭構不勝或自經雖破產不悔惟賢反覆申諭嚴令禁止刁悍悉化最聞擢御史轉考功郎歷官湖廣巡撫

安志

劉鑰字東蘇萬曆間以拔貢爲臨江經歷素履剛潔遇事立斷嘗區畫地方利弊略無阿附意署縣篆董貨權監作邊禁軍衣襦悉著賢勞初署上考卒以少承奉取忌上官後擢鄭王府教授

自得堂集

劉養志四川江津人萬曆癸未進士十二年任清江知

縣崇興學校以縣學舊無文昌閣於櫺星門左創建焉

自是人文益振

學志

吳績字日升浮梁人萬曆辛卯舉人二十年任清江教諭甲午典福建鄉試丙申擢繁昌知縣在任五年嘉惠後進興起士類爲多嘗以府志簡嚴多軼漏縣未有志書遍訪斷碑荒碣備錄其文又采清江故事關於學典者條識之分爲十餘目知府高從禮序之題曰清庠志補後修志者得取據焉

施志

張汝霖字蕭之號雨若山陰人萬曆乙未進士授廣昌知縣二十六年調清江時礦稅法興民惶懼竄山谷間汝霖條上利害爲民請命稅使至縣贛南吉袁諸郡日

使人偵於邑巷以爲行止汝霖經度得宜五郡皆受其成中使採買樟樹鎮藥材民復大擾亦賴撫諭乃定縣俗故樸嗇汝霖起家世胄儉約自甘十年不調不以留滯少懈其職事擢兵部主事歷官分巡湖西道副使同

李徵儀字于來號涵初廣德州人萬曆辛丑進士知弋陽縣三十二年調知清江時解戶南兌率困於重費徵儀立官解之法盡革加派包匿諸弊民甚便之縣馬差例不盡頂役留什二以佐邑費至是如數僉充驛遞亡所苦樟樹故劇市吏胥持寸楮至輒使傾橐以應徵儀不遣一胥市肆晏然築鍾家園隄堅厚倍昔護田萬餘

頃且貯庫金備修補費尤加意庠序給體課藝士風丕振擢禮部主事改江西道御史秦志

王賓賢字棗猗宣都人早負才名領萬曆丁酉鄉薦內閣孫承宗雅重之館穀於家三十九年任清江教諭課士有法請於縣長重建文昌閣擢南陽推官歷知茶陵羅定輝三州嘗與同僚見巡按邱兆麟兆麟下堂執其手曰予讀先生文久矣不意乃在此贛志

李茂英寶應人萬曆庚戌進士授分宜知縣四十一年調知清江愛民好士清驛遞均徭役歲大水尤有救荒實政學左有文昌樓舊制卑隘撤而新之層閣恢宏自是士子多登第者乙卯分校鄉闈得人爲盛陞順德同

知恩官右通政施志

康元穗字口穎安福人萬曆丙午舉人四十四年任清江教諭日與諸生講學課藝他庠士聞風就質各厭服而去誠諸生毋得輕溷有司有不自輒爲轉直有孫生母死貧不能殮捐俸賻之劉生者以文見知郡司理臺使糾司理并及劉生禍且不測元穗力爲申理得免其他扶抑多此類己未登進士知嘉善縣最聞擬擢吏部以與魏大中善忤魏璫改南京禮部主事致政歸施志
叅吉安志

鄭朝棟字二瞻澧州人萬曆中由舉人官臨江同知精練明敏姦宄屏息四攝縣篆清覈遺賦革胥役包攬實政良規民受其惠清江沙河基隄決民籲諸臺司請以朝棟督築朝棟度形勢均工直木石畚鍤之具身先調度隄成工費視昔省六七而堅壯逾之民至今賴焉仕終貴州布政使白志

周宗文號開鴻嘉善人萬曆丙辰進士四十五年任清江知縣修德鄉有沙河基隄丙辰大水衝決至數十處時郡邑乏長官司役者倉猝告功水至復潰宗文至區畫經費以備賑積鏹俾民出力而受直於官隄成堅倍於昔護田萬餘頃免饑者亦數千人初清江民牒於上以同知鄭朝棟及宗文賢請任修築同官頗忌而中格之已而不費左帑不疲民力功速而隄堅而宗文治縣

課績最第一事乃解擢貴州道御史。歷官光祿少卿。據
沙河基修隄碑記增

陳宜慶字吉亭宜春人萬曆四十六年由歲貢任清江
訓導剛正博洽却諸生贊轉靖安教諭歸里足跡不入
城市袁州志

盧兆龍字侯見號本潛香山人天啟壬戌進士授清江
知縣精練明敏案無留牘時征調漸繁諸餉皆加賦額
外臺檄日至兆龍供應無乏而民不病樟樹鎮濱江歲
患衝齧倡築石岸護蛇溪諸水居民以安建曲水橋行
者便之在任五年城郭廨舍無墜不舉盜賊屏息好獎
勸士類然卒不可干以私擢禮科給事中歷官大常寺

少卿施志

梁士濟字遂良南海人天啟乙丑進士授奉新知縣崇
正元年調知清江會楚中用兵芻餉徵給悉以軍法從
事士濟更爲寬大之令曰急徵則急應否則安居力田
毋數至縣然賦益以辦壬申峒寇作分守道欲撤城外
民居持不可曰脫寇至燔之無怨矣乃自出簡精銳扼
諸河上民賴以安又置學田贍士請廣弟子員及科舉
額士子翕然歸之士濟才畧有餘而性峭直每達官貴
人過清江鎮或渡江迎候遇風卽還擲手版付吏曰不
過使吾不爲臺諫耳自署其堂曰清靜室一遷監察御
史歷四川順天巡撫同上

王心純字有拙，歙縣人。崇正戊辰進士，知龍巖縣。五年補清江知縣，繕築城垣，改建學門於廟門左。建明宗書院，祀中丞練子寧，又捐俸置贍田。延邑人楊廷麟講學，其中一時從遊之士，後多以文章節義知名。秦營建志

秦書院碑記

湯瑞至字開先，永豐人。萬曆乙卯舉人。崇正七年授清江教諭，勤於課士。清江士登科第者，多出其門。擢漳州

海防同知，以廉幹稱。解綬歸，年八十卒。永豐志

秦鏞字大音，號若水，無錫人。少刻意爲古學，明易數。以明經舉。崇正丁丑進士，授清江知縣。時饑饉之後，臺檄綜核兵餉甚急，鏞拊循激勸，悉有調度。縣歲僉富民爲

馬戶，多竄入胥吏中，希免累及貧戶，乃下令以胥吏僉而給其直，民困頓蘇。劇盜龔森、九楊標、四嘯聚、沃場、牛灣諸處，將爲變，悉以計擒，斬之。在縣數年，築梅家畚隄，建義倉，釐正祀典，崇重師儒，以經術飭吏治，嘗作五勸四誠歌教民，以力穡興行人，大化之。手輯縣志，太史劉同升見之，曰：「此馬書班志也。」其他著述，若易序圖說、周子通書半解、皇極內篇小衍諸書，尤爲名流所推服。奏最擢監察御史。施志

會若沼字召水，麻城人。崇正中爲清江訓導，性寬和愛士，講學賦詩，終日不倦。士多樂就之，歲歉輒分俸給士之貧者，後以裁缺去。諸生送以詩曰：「聊瀉清江水，殷勤

清江縣志 卷十一
爲君壽、灑灑一片雲、古道期相守、與訓導計鏘、時俱稱
良師云、同上

國朝

洪其清、字鑑如、湖江山陰人、順治六年、由拔貢生授清
江知縣、時江粵未平、羽書交迫、城內外騎卒雲屯、其清
躬歷戎伍、輸餉轉芻、民居不擾、比歲旱潦相仍、禱雨築
隄、多方綏輯、又公廨學舍、俱燬於兵、其清重建縣學、
又於城南建蕭江書院、課士育才、修撰劉子壯、稱其無
愧古之循良云、學碑

劉玠、原名首西、字竺尊、廬陵人、登崇正癸酉鄉薦、順治
庚寅爲清江教諭、精勤嚴介、勸課多士、規條整肅、有不
率者、輒摘發、多所芟除、師道自任、卓然見憚、一時、後卒
於官、施志

張暎、字升暘、趙州人、順治進士、十四年授清江知縣、愛
士恤民、催科不擾、勸課有方、建雲巖書院、邑士多所造
就、莅政七年、擢思恩府同知、湖西分守、參議施閏章賦
詩贈其行、施閏章愚山集

屈有信、字遜公、汝州人、康熙三年、由拔貢生、授清江知
縣、值兵燹之後、田多荒蕪、府縣學廟俱燬、有信多方招
徠、一歲之內、墾田六十餘頃、築香湖庵、青龍潭、金谿諸
處、身隄、繕修兩學、建縣學、啟聖名宦鄉賢三祠、常平倉
舊儲穀不及百石、有信至、卽捐穀五百石、貯以備賑、又

以東鄉民是隔江歲輸秋米甚艱建便民倉於樟樹鎮
催徵令民自輸受訢輒令民資牒檄被訢者至終歲不
遣一胥役至民間又多方勸戒教民以敦禮讓息訟爭
民大化之在任凡十四年歲無大獄囹圄空虛甲寅乙
卯滇逆告警鄰郡震動有信肅清塘汛增設哨船奸匪
時多察獲轉應芻餉日夕無寧而民安居不知有兵內
擢主事民爲立去思碑祀名宦祠

王廷諫山西翼城人康熙二十一年由拔貢授清江知
縣謙約自持廉惠馭下清江納漕半在樟樹鎮鎮去治
所遠廷諫數馳蒞鎮倉平其概量徵銀革去火耗胥吏
不能爲弊縣編里甲舊凡二十八都都多至十二圖少

僅一圖自明季兵寇後里戶多虛鄰甲恒苦賠累廷諫
親歷四鄉按稽實戶并爲十七都每都五圖於是里甲
均而賦役平民咸便之至今尚仍其規

楊麟貴字廣成贛縣人本孫姓父死順治丙戌之難闔
室俱殉麟貴甫數齡爲副將楊繼所得愛其聰慧子之
以才名爲當途賓禮舉康熙戊午鄉薦二十八年任清
江教諭麟貴博通文籍在官清勤著聲以卓異擢崇信
知縣引年歸

安志

徐斯適廣東龍川舉人康熙三十年知清江縣廉惠敏
決訢訟盈庭數言莫不輸服有甫投牒卽不願終訟者
時知府李濤政頗綜核莅屬甚嚴事或過操切斯適力

持大體不爲阿、有鼻牘上、詰駁再下、斯適投篆請去職、且曰、法治其太甚、抑無辜以邀祿、某不爲也、濤始疑其寬縱、旣察其平允、屢言於上官、稱其有執、他邑疑獄、輒命治之、多所平反、縣舊以里長催賦、每年奏銷冊籍、科費甚繁、斯適至、悉陳其弊於府、永革除之、莅縣十年、禮士愛民、興利去弊、至今稱有才有守、必首徐公云、甯堯采、號蕭麓、山西聞喜人、康熙四十年、由進士任清江知縣、寬恕愛民、不輕笞撻、時有慈母之頌、禮賢重士、學使校士、行署舊苦僭隘、請於上、以湖西道遺基改建焉、增置號舍、而以舊所改爲關帝廟、祀典考校、兩適其宜、至今仍之、

宋希賢、字象之、萬載人、康熙甲子舉人、少孤、事繼母以孝稱、四十七年、任清江教諭、克舉其職、巡撫白潢、修築清江土橋長隄、命董其事、希賢開誠布公、民用和樂、功告成、巡撫旌以金帛、袁州府志

郭士佩、字公瑜、萬載人、康熙四十五年、以歲貢生任清江訓導、課士有法、生平醇謹謙恭、不設機械、卽盛怒無惡言、諸士愛服之、同上

石杰、號虹村、浙江桐鄉人、康熙五十八年、以進士知清江縣、賦稅自順治間、定滾徵法、然縣徵籍舊惟每甲載總戶、吏猾陰移輕重、飛灑諸戶、丁往往以欠作完、愚民恒苦賠累、杰至、令民各自呈丁糧若干、別註清冊、分列

花戶實載應納正額給單按戶滾催輸欠瞭然在目由是包納灑重諸弊悉除奸猾無所欺隱永爲民便至今仍守其規又捐俸立義學延邑人黃曰洙爲師訓課諸生多所成就以艱去後歷官至按察使

沈顥文號檀林陝西長安人乾隆五年任清江縣丞廉介自守泊然寡營署知府劉芳溥嘗察其端潔且憐其貧頗貲俸之然終身未嘗於上官有所私干暇則掩齋吟哦或就一二文士高僧賦詩倡酬而已長於筆法結體清勁公署祠寺諸額多其所書在職近十年擢山西石樓知縣

彭之錦貴州安化人乾隆十四年由舉人知清江縣居官廉潔自持布袍蔬食力崇儉樸勤於聽斷訟牒至或不待訴卽判決無留牘往鄉履勘恒自携錢分給從者毋許擾民勺水徵稅不遣胥催民自輸納縣祇候恒數百人各曰稱差之錦自正役外輒行汰革且諭之曰若曹宜務本業在此徒蠹吾民吾旣無所用汝汝且凍餒盍去可自致生理耶莅縣未及一載遽以憂去民惘然若有所失云

沈廷標號廢堂浙江仁和人乾隆四年進士二十一年由萍鄉知縣調繁清江耿介不阿嚴於馭役寬以臨民嘗謂植良必先去莠故緝捕尤力獲匪必重懲之城垣積歲多傾圮請於上周遭繕築重建諸門城樓屹然完

固北郭外有褒忠祠久廢卽舊址重建前堂後寢固以
幾垣又以江水直下於城東蘆洲種柳千株拱護形勢
而縣學舊逼城闔躬相地議改作未果而去

周秉衡字平甫金谿人以歲貢生肄業國子監乾隆二
十二年授清江訓導性行質直坦易近人諸生來謁不
責贄禮時科制初更力以倡興風雅自任月課詩文抉
摘疵類不少懈每題必自作示諸生或與面商可否先
是學使按郡諸生尠就試詩賦者至是數倍他邑其歷
試高等暨登科第者皆其平日所賞識士也以老引歸
年踰八十而終以上俱鄧志

鄧廷輯字瑞五號碧山貴州畢節縣舉人乾隆丙申冬

由峽江令量移清江清節矯然聽斷明允且延訪耆碩
周知利病故令出而民便之每試童子於覆試時爲親
指瑕瑜示去取之意俾知所祈嚮其首錄者如本邑楊
世銳峽江習振翎皆不數年成進士有聲於時縣志爲
故明令秦鏞手訂雖規模可觀而時值傾危徵文考獻
不無闕漏廷輯白諸上臺開局重修聘新建熊爲霖編
修主其事集邑中名宿分任編纂博採羣書大白星野
沿革小而裨官小說凡有關於清江者鉅細畢載而於
人物一門遺者蒐補入者矜慎尤足風厲後人更從而
正祀典清官地立縣署題名碑記遂使公私掌故犁然
備具稱詳贍焉時縣東樟樹鎮適有青蛙延緣竹木間

見者惑之、移置古廟、祈禱報賽、刑牲演劇、無虛日、舉市
幾若狂、廷輯聞之大怒、檄而投諸江、羣情始帖、今其檄
亦收載志中、以治行尤異、擢廣信府河口同知去、以下

彭延慶、號衍之、四川丹稜縣人、由諸生入貲、於乾隆壬
辰、來爲清江丞、性寬恕、不輕扑一人、有以語言相失來
訴者、必委曲亭平、使歸於和好、而後已久之、民皆知其
長者、每縣中治辦公事、令或沮格不得行、延慶出一語
無不懽然以聽、在官二十年、竟以劾罷、

李大謨、號定園、直隸玉田縣舉人、嘉慶丁卯、自石城量
移清江、約已愛民、妻自治飲食、司閹僕、椎魯若田父、延

禮士類、惟恐不及、而嚴氣正性、毫不可干、以私壬申擢
南昌府吳城同知去、先是邑蕭家隄、頻歲衝決、瀕隄田
畝、盡爲沙塞、賦無所出、有司前後申請勘豁、勘者均以
事關課程、未敢輕議、豁免、及大謨任吳城、奉檄來勘、始
親行履畝、建議請豁、大府猶以大謨狗庇舊治爲疑、別
檄筠守覆勘、卒如大謨議上、得豁糧銀百兩、有奇、民賴
以甦、

武名宦附

○宋桂子恭 ○程層益 ○丁應明

○元也先不花 ○楊仲明、楊璣、黃冲

○明鄧子龍 ○李成龍

○國朝劉報玉 ○戴廷棟

宋

桂子恭字伯允貴溪人弱冠有聲場屋屢試不利乃游荆襄以平蔡功授瑞州都監歷遷洪吉臨江三州都巡使授成忠郎謝枋得稱其忠銳沈鷲許國驅馳志大而任不稱卒贈秉義郎 廣信志

程層益字明秀歙人瀋祐間以襲廕立功授總軍萬戶鎮臨江奉檄守永豐聖嶺營伍肅然子宣襲職以他故謫百戶後晉右武將軍戍龍泉 羅洪先集

鄧志曰按萬戶爲元官疑層益爲元臨江路萬戶府管軍千戶而瀋祐或延祐之訛也然他無可考

念庵集以爲宋人吉安志亦然姑因之而附識於此

丁應明德祐初以總統戍守臨江時元兵入江西分兵陷臨江城旣復應明來戍元兵再至城危事急守倅奔竄應明與清江令趙孟濟閉譙門登樓椎鼓以張虛聲兵竟越境去楊橋之役應明戰歿於陣孟濟惜其勇毅白於郡申聞於朝官其二子

鄧志曰接應明附見舊志趙孟濟傳中今別爲立傳亦足比隆於密佑而愧黃萬石諸人也

元

也先不花乃蠻解氏隸蒙古軍初以管軍百戶從攻襄

樊破潭州累功爲臨江萬戶府上千戶所達魯花赤宣授武義將軍時廬陵太和永新諸山寨相繼不靖三四年間一一勦平戮其爲寇者縱釋其爲民者大德五年卒年六十六吳澄稱其疆毅勇敢臨陣每多克捷累功不一而未及取高爵寧無將軍不侯之感泰定元年孫

伯顏襲職

吳澄集

楊仲明襄城人以軍功世職臨江萬戶延祐二年贛州土賊蔡五九聚衆作亂勅遣兵捕之仲明領衆赴討所向克捷至正十二年蕪黃賊鄒普勝攻龍興圍城五十日臨江萬戶楊璫者仲明之後也率義兵往援省臣命駐撫州門與城中接應翼日璫以小舟自城南順流而下城中義兵亦自新城門小渠中出龍沙沂流而上合戰無虛日屢獲其巨艦輜重賊不能支夕遁去

江西通志

黃冲字季中南昌人至正壬辰紅巾賊寇江西官兵大衄而潰冲率義旅與戰遂大敗之明年克清江鎮授左義兵千戶昭信校尉

南昌郡乘

明

鄧子龍豐城人貌魁梧驍捷絕倫兼通翰墨嘉靖中江西賊起掠清江樟樹鎮子龍應有司辟破平之以功授把總後歷官副總兵朝鮮用師戰死年七十餘贈都督

僉事

明史

李成龍廬陵人少習儒業喜書法善騎射初授千總旋委清江營守備崇正癸未獻賊犯吉安成龍奉檄追賊獲全男婦給衣糧還家叙功命團練湖西鄉勇調度有方以老告歸

吉安志

國朝

劉報玉峽江人少負勇畧有氣概隸戎伍康熙間隨營防守萬載以軍功議叙授臨袁鎮標把總擢補清江千總逆賊揭玉卿兄弟猖獗力破之擒其渠魁尋擢守備甫二載解組歸田口不談兵

峽江志

戴廷棟貴州威寧州人乾隆十五年以平定金川軍功擢樟樹營都司訓練有方御士嚴而有恩營卒與市民毆輒撻之曰若毆平民不馴被民毆不武若是者皆宜笞營伍肅然又勤於巡緝晝則閱操夜則獨行荒村僻徑中匪徒多所捕獲有積歲逃卒潛為匪廷棟初至卽踪跡之立擒至寘於法某生偶言夜失青布被一水注一廷棟曰遲數日必有以相報已而馳卒攜被至復遣卒至博場縛一人至招某生識之果其物也他捕緝之神多類此二十一年擢福建游擊去

俱鄧志

寓賢

湖稱蘇圃城號澹臺古賢流寓之踪有雖暫而亦永者清江爲南土望邑陸子壽吳幼清過化遺澤迄今猶可考焉若夫訪舊停車尋幽築室一觴

咏動繫遐思庶幾韻事之能留恍似前人之復作
撰寓賢志

○晉陶侃 ○羅含

○唐盧肇

○宋林逋 ○楊申 ○徐世亨 ○王覲

○陸九齡 ○方信孺 ○任詔 ○胡思誠

○孫汲 ○楊至質 ○黎立武 ○丁杰

○元吳澄 ○文陞 ○黃瀉 ○蕭一龍

○吳皐

○明胡行簡 ○簡霄 ○羅洪先

國朝李明睿 ○劉思敬

晉

陶侃字士行，鄱陽人。徙尋陽，舉孝廉，屢平叛亂，立匡復大勳，歷官大尉、都督八州，封長沙郡公。薨，謚曰桓。初，侃父丹娶湛氏，生侃。湛，新淦人。今清江鎮也。丹卒，侃幼家貧，依母居外家。母紡績資給之，使交結勝己。嘗釣於水中，得一織梭，以懸於壁。一日雷電起，梭化為龍去。後人立亭表之。今清江鎮，潁江有化梭古徑，是其處也。名勝志云：府城東北三十里有化梭亭，晉士行故跡也。又云：郡東門百花洲，相傳晉陶侃讀書處。

羅含，字君章，耒陽人。父綏，嘗宰新淦。新淦人楊羨，後為含州將，引含為主簿。含傲然不顧，羨招致不已，辭不獲。

而就焉。及羨去職，含送之。到縣，新淦人以舊宰之子，咸致賂遺，含難辭而受之。及歸，悉封置而去。由是遠近推服。

晉書

唐

盧肇，字子發，宜春人。李德裕謫州長史，殊遇肇。會昌三年，肇應進士，適德裕後入相，見肇至，喜曰：「吾爲金榜得狀元矣。」遂魁天下。初，肇居蕭灘，下帷力學。蕭灘有石龍磯，曰石溪，嘗於其閤觀競渡。故及第後，觀競渡詩有石溪。久住，思端午館驛樓前看發機之句。今清江城南石溪龍居寺有肇讀書臺，又有覽勝亭，爲肇舊觀競渡處。

豫章書叅名勝志

宋

林逋，字君復，錢塘人。少孤，力學好古，不拘拘章句，性恬淡，薄榮利，家貧，衣食屢歉，晏如也。遨遊江淮，久乃歸，結廬西湖之孤山，多植梅，以自娛。真宗聞其名，賜粟帛，詔長吏歲時勞問。仁宗賜謚和靖先生。生平善行書詩詞，澄淡峭特。初，客臨江，李諮方舉進士，未有知者。逋語人曰：「此公輔器也。」逋卒，諮適知杭州，爲制總服，與其門人哭而葬之，刻遺句內壙中。

宋史參東都事畧

楊申，字宣卿，新喻人。天聖二年進士乙科，轉上饒丞。歷太常少卿，遷光祿卿，與蘇洵、梅堯臣友善，立朝頗著風節。王安石當國，以論新法不合，出知濟州，多善政。監司

皆新進、申以舊人、不欲治朱墨於其闕、力乞闕、以中散大夫致仕、家於郡城、呂大防表所居爲耆德坊、所著有閩阜山記一卷、自志

徐世亨、字嘉會、開封人、景祐間、守臨江、有善政、時詔州郡立學、世亨悉力營建、以疾革、遂家焉、後累贈通議大夫、林志

王覲、字明叟、秦州如臯人、第進士、爲右正言、右司諫、極論罷章惇、蔡確、韓縝、張璪、又劾竄呂惠卿、紹聖初、以寶文閣直學士、知成都、徙河陽、貶少府少監、又貶鼎州團練副使、徽宗卽位、還舊職、知永興軍、過闕、畱爲工部侍郎、遷御史中丞、改翰林學士、日食、四月朔、帝下詔責躬、

覲當制、有惟德弗類、未足以當天心之語、宰相去之、乃力請外、以龍圖閣學士、知澗州、徙海州、罷、主管太平觀、安置臨江軍、卒、紹興初、追復龍圖閣學士、宋史

陸九齡、字子壽、金谿人、嘗游寓臨江、鄧庾爲軍守、延九齡於學、臨江士人皆樂親之、是時秦檜當國、無道、程氏之學者、九齡獨尊其說、多所發明、登乾道進士、歷桂陽興國教授、卒、贈朝奉郎、直秘閣、諡文達、陸九淵文集

方信孺、字孚若、興化軍人、以父崧卿蔭、補番禺尉、韓侂胄舉恢復之謀、諸將僨軍、朝廷尋悔、金人亦厭兵、遣使講和、召信孺赴都、假朝奉郎、充樞密院叅謀、通問於金、至要以五事、信孺曰、反俘歸幣可也、縛送首謀於古無

之稱藩割地則非臣子所忍言至汴見左丞相宗浩辨對不少訕授以報書還詔議所以復命衆議還俘獲罪首謀增歲幣五馬遣信孺再往金人猶執初議信孺固執不許宗浩計窮密與定約復命再差抵汴宗浩變前說有誅戮禁錮語信孺不爲動會蜀兵取散關金人益疑信孺還言敵所欲五事其五不敢言侂胄厲聲詰之信孺徐曰欲得太師頭耳侂胄大怒奪三秩臨江軍居住宋史

盤園集

高風錄

任詔字子嚴蜀人自爲令歷部使所至有政績後退居清江築圃山岡扁曰盤園建堂曰高風有盤園集高風錄林志

相至願字休
文號勿齋
阜山道士瀟
祐中敕賜高
士右街鑿儀
主營教門公
事著有竹
宮表制太乙
宮化言文
也宋詩紀事

胡思誠字達孝澶州人寓居清江知安豐軍時羣盜剽掠無禁思誠悉擒之淮西諸司上其事除知濠州自號溶溪居士著有溶溪集若干卷同上
孫汲字公善本分宜人居臨江城由臨江籍應舉授朝散郎監司知其才檄攝吉州吉素號煩劇汲居不越月境內稱治分省人物志

楊至質字休文豐城人讀書通古今善屬辭出遊四方而歸築室閣阜山中面峯挹澗手植茯苓梅竹無數署曰雲泉精舍乃著華陽巾服黃練衣修老氏之道與窮猿野鶴爲友後邨集

黎立武字以常新喻人年二十六擢進士第三人授承

事郎、籤書、鎮南軍節度判官、秋貢、校文、撫州、稱得人、歷
官至國子司業、宋亡、隱居、家於臨江郡城、北來、達官、聞
譽、望、觀風采、禮之如天人、郡城南有金鳳洲、立書院、以
淑來學、多士雲從、愛二郭氏、中庸、郭游程門、尚書、謝諤
傳其學、立武由謝、溯郭、以嗣其傳、故於大學、中庸等書、
閱與世所宗尚者、異、義生平著述、積藁如山、演繹舊聞、
敷暢新得、有圖有贊、有講義、悉鈔諸本、當路好事者、往
往取去、崇仁吳澄、撫州校文時所貢士也、大德丁未、謁
立武於清江、一覲容貌、喟然以爲雍容和粹、氣象彷彿
河南程伯子、云年六十八、卒、門人私謚曰元中子、澄爲
之立碑、吳澄文集

丁英仲集

丁杰、字英仲、嘉興人、壯歲客諸幕府、有聲、宋亡、依南雄
總管皮氏、老於清江之野、工古近體詩、又善樂府、長短
句、及四六駢儷語、人稱三長、吳澄嘗客清江、見之、謂其
嚴厲振整、雖遊客而自貴重、提舉滕斌、尤推服之、平生
著述多軼、子埴、錄其存藁、爲丁英仲集、吳澄爲序、人稱
山臞先生、同上

元

吳澄、字幼清、崇仁人、五歲、日誦千餘言、既長、知用力、聖
賢之學、舉宋咸淳庚午鄉貢、臨江黎立武所得士也、入
元、累徵、強起、旋以疾辭、嘗寓清江館於南雄、總管皮氏
又主袁州學、正黃良孫家、授徒講學、清江從受業者數

十人大德十一年辭江西儒學副提舉如清江城謁其座主黎立武於金鳳書院仍主門人皮潛家留半歲乃去泰定四年復寓清江講學自荆襄來學者十有五人澄所至講學士大夫皆迎請執業弟子千餘人於易書春秋禮記各有纂言作學基學統二篇示學者人稱草廬先生卒年八十五封臨川郡公諡文正危素撰年譜文陞字遜志廬陵人宋丞相天祥弟璧之次子也天祥被執諸子死以陞爲後壁爲元惠州總管陞贛清江家焉皇慶間授集賢直學士代祀嶽瀆卒於贛子富累官延平路總管秦志

黃瀉字幼德豐城人工詩賦至元丙子父死於寇祖年

九十餘聞變而殞瀉殯凶渠以伸不共戴之義塋其祖父以下凡七喪會縣升爲州賦役繁重旣貧遷清江城中授生徒以自給各其堂曰忍默吳澄爲之記瀉之學以經爲本恪循儒行温厚和粹不少越規矩爲詞章藹乎仁義之言年七十二卒吳澄復爲誌其墓吳澄文集

蕭一龍字雲升本新喻人家郡城事母以孝聞由龍泉教諭求便侍養改臨江路學正未六十乞休致養母詔可以本學教授致仕給半俸終其身卒年八十太常博士劉聞爲志其事有白頭母子殘日相保之語隆慶志

吳臯字舜舉臨川人宋履齊丞相六世孫早師吳澄得爲學之要文章森嚴有法教授臨江遂占籍焉有吾齋

吾齋類稿

新增復古篇

此二書已載府志載籍

門中矣

樗隱稿

此與府志可

載周道成

可撰之樗

意集不同

彼在人物

此別寓賢也

類稿行於世從子均擢春坊中允所著有新增復古編

明

胡行簡字居敬新喻人至正二年進士授國子助教陞

翰林修撰除御史敷歷中外二十餘年後任江西廉訪

司經歷以世亂歸居於郡城自號樗隱明初徵修禮書

復聘主江西鄉試廣東丁卯鄉試戊辰同考會試咸稱

得人居家端以經學淑後進卒年七十七遺藁曰樗隱

編修張美和序

明史

簡霄字騰芳新喻人正德甲戌進士授石首知縣歷大

理丞平反有聲擢僉都御史巡撫河南進南京副都御

史提督操江陞兵部右侍郎尋乞歸家於郡城時新淦

刑部給事中黃仁山亦移家城南與布政使敖英順德

同知聶璜俱以耆年致仕相與結詩會倡酬為樂人以

比洛社之盛云

心遠堂集

簡霄故居在富壽坊即舊千戶所黃仁山所居

在城南即今黃家山

羅洪先字達夫吉水人少讀王守仁傳習錄好之乃師

事同邑李中傳其學嘉靖八年舉進士第一授修撰即

請告歸召拜春坊左贊善以言事切直中上忌遂除名

歸益精研聖學足跡徧天下名山洞府靡不至嘗寓居

清江寄榻天寧寺中學者爭來問業時分守道陳大賓

甯

深於性命之學、日從洪先講求名理、多所契合、訪古尋幽、染翰留題、後歸闢石蓮洞以居、卒諡文恭。洪先念庵集

國朝

李明睿、字太虛、南昌人、明天啟進士、授庶吉士、歷官官坊、順治間、為禮部侍郎、署尚書事、以失儀罷歸、以章門繁會、苦應酬、移寓清江、無日不遊、無遊不詩、積歲累月、成編曰蕭江集、叅議施閏章為序之。閏章愚山集

蕭江集

劉思敬、字覺岸、江南人、順治進士官刑部郎、孤居不肉食、京師謂之劉佛頭、請養歸、寄居臨江鐵佛寺、日獨坐手繙藏經、時施閏章分守湖西、每與晤談、厭苦吏事、思

敬曰、子曾見青蓮花有離汗泥生石上者乎、閏章為賦詩曰、久辭簪笏愛江亭、凍手時繙貝葉經、莫是三生石畔客、欲回烟棹太丁寧、檻猿籠鶴枉咨嗟、羨爾閒餐五嶽霞、領取江樓深夜語、不聞石上種蓮花。同上

鄧志曰、右寓賢原八人、內王光祖、楊士宏、周恒、改載人物志、止存五人、增補二十人、共二十五人。

清江縣志卷之十二

名臣共八人
理學共三人

人物一

人以地傳地亦以人傳清江氣醇而土厚蜿蜒磅礴
礪鍾為偉人砥礪以道德文章或經綸雷雨或鼓
吹休明或直諫揚聲或精忠抗節以及高蹈足尚
內行無虧均與山河共千古矣茲從鄧志概為彙
舉緣人或兼數善難為縷析一以時代後先為次
撰人物列志

○漢孔恂 宦業

○孫聶友 名臣

○晉留京 孝友 楊羨 宦業

清江縣志卷之十二 人物

葉

按其字一...

○南湛僧智 名臣

○唐魯季文 孝友 袁 鳴 孝友 聶道茂 儒林 歐陽董 隱逸

○宋劉 式 名臣 劉立之 名臣 劉立德 名臣 劉 敞 名臣

○劉 效 名臣 胡 向 名臣 傅 燮 儒林 李 中 儒林

○劉奉世 名臣 劉延世 文苑 胡 蒙 名臣 胡 靜 名臣

○胡宗元 隱逸 李 巖 名臣 胡遵道 孝友 胡致隆 隱逸

○楊无咎 隱逸 李 邈 名臣 傅 秀 名臣 向子諲 名臣

○魯 澣 文苑 劉 櫛 名臣 李維芑 名臣 劉龜年 附傳

○向 澹 名臣 向 浯 儒林 楊 愿 儒林 徐夢莘 名臣

漢

△孔恂字巨卿豫章新淦人州別駕車前舊有屏星如刺

史車曲翳儀式是時刺史行部發去日晏刺史怒欲去

別駕車屏星恂諫曰明使君傳車自發晚而欲撤去屏

星毀國舊儀此不可別駕可去屏星不可省即投傳去

刺史追辭謝請不肯還遂不去屏星 謝承漢書

按古新淦治所在今清江鎮凡紀人物當以治城

為經清江未立縣以前所稱新淦人具與清江有

屬故備採之 按字上當加蓋志曰三字 按字可

三國吳

△聶友字文悌豫章人 今清江鎮人 少為縣吏有唇吻虞翻徙

交州縣令使友送之翻與語而奇焉為書與豫章太守

謝斐令以為郡功曹郡時見有功曹斐見之問曰縣吏

名臣

官業侯恭 按王仁國豫 章十代文獻 畧列孔恂於 第行傳內

清江縣志 卷十二 人物

聶友、可堪何職、對曰、此人縣閔小吏耳、猶可堪曹佐、斐
曰、論者以爲宜作功曹、君其避之、乃用爲功曹、使至都、
諸葛恪友之時、論謂顧子默子真、其間無所復容、恪欲
以友居其閔、由是知名、初孫權將圖珠崖、以問軍師全
琮、琮曰、以聖朝之威、何向不克、然殊方異域、隔絕瘴海、
水土氣毒、自古有之、兵入民出、自生疾病、轉相汙染、往
者懼不能反、所獲何可多致、猥虧江岸之兵、以冀萬一
之利、愚臣竊所不安、權不聽、恪薦友爲珠崖太守、詔加
友將軍、與校尉陸凱同往、執馘獻捷、留友治之、友慮師
久致疫、簡其精銳自衛、餘先遣還、權大悅、徵拜丹陽太
守、會恪復欲出軍伐魏、友以書諫、恪曰、大行皇帝、本有
遏東關之計、計未施行、今公輔贊大業、成先帝之志、寇
遠自送、將士憑賴威德、出身用命、一旦有非常之功、豈
非宗廟神靈社稷之福耶、宜且按兵養銳、觀釁而動、今
乘此勢、復欲大出、天時未可、而苟任盛意、私心以爲不
安、恪題所著論後、爲書答友曰、足下雖有自然之理、然
未見大數、熟省此論、可以開悟矣、於是違衆出軍、大發
州郡二十萬衆、百姓騷動、始失人心、及恪退軍、還友知
其將敗、書與滕允曰、當人強盛、河山可拔、一朝羸縮、人
情萬端、言之悲歎、恪誅後、孫峻忌友、欲以爲鬱林太守、
友發病卒、年三十三、

吳志參吳錄粵大記

晉

孝友

楊羨權列入官業

此當入何類

侯恭

按豫章十代文

獻畧楊羨入

雜傳類中

名臣

此下人必能修因中此類四
何人修業

△留京臨江人孝行推於鄉里時江水暴漲居民皆漂溺京負其母號泣忽有大龜至其前舉家七口俱上龜背行十許里及一高岸遂失龜九江記

通志跋云晉時未有臨江郡名留京事林志不載然豫章書引九江記以留京為晉人必有所本今時代既不可詳姑仍豫章書補入之

△楊羨新淦人為湘州刺史引桂陽羅含為主簿含傲然不顧羨招致不已辭不獲而就焉及羨去職含送之到新淦晉書羅含傳

梁

△湛僧智豫章新淦人為梁譙州刺史與胡紹世魚宏張登並為當時驍將普通六年從豫州刺史裴邃侵魏自南道攻壽陽未克而邃卒朝命夏侯直持節代邃七年直帥僧智及魚宏張登等通清流澗將入淮肥魏軍夾肥築城出直後直與僧智還襲破之進攻黎漿貞威將軍韋放自北道會焉兩軍既合所向皆降凡降城五十二獲男女口七萬五千人遂圍魏東豫州刺史元慶和於廣陵入其郭魏將軍元顯伯率軍赴援僧智迎擊破之夏侯夔自武陽會僧智斷魏軍歸路慶和於內築柵以自固及夔至遂請降夔讓僧智僧智曰慶和志欲降公不欲降僧智往必乖其意且僧智所將烏合募人不可御以法公持軍素嚴必無犯令受降納附深得其宜

清江縣志 卷一
於是夔乃登城受慶和降詔以僧智領東豫州鎮廣陵
南史叅梁書

司馬溫公曰僧智忘其積時攻戰之勞以授一朝新
至之將知已之短不掩人之長功成不取以濟國事
忠且無私可謂君子矣

鄧志曰僧智事見南史張惠紹夏侯亶傳及梁書
夏侯夔傳俱未載何許人考鄭漁仲通志氏族畧
於湛氏注云後漢有大司農湛重晉荊州刺史陶
侃母湛氏湛方生宋湛茂之梁有司州刺史湛僧
智唐有湛賁望出新淦豫章今按漢湛重本作湛
重而陶侃母湛氏乃新淦人則僧智爲古新淦人
卽今清江鎮人也

唐

孝友

魯季文清江人貞元間廬父母墓江水遠不可汲忽一
虎於廬側跑地得泉人以爲孝感名其坊曰虎泉今爲

孝感坊云

林志

唐貞元間亦未有清江縣名然今虎跑井在府
治東一統志曰卽唐魯季文廬母墓處

袁鳴臨江人唐時江南西道以事親居喪著孝行者鳴

與萬載廖洪鄱陽張讚樂平謝維勤沈普姜岷上饒鮑
嘉福虞鎔真弋陽張球李營子凝孫楚貴溪黃舟建昌
熊士瞻贛縣謝俊天子皆旌表門閭賜粟帛州縣存問

孝友

復賦稅唐書孝友傳序

唐書唐時尚未有臨江而唐書孝友傳總序列臨江袁鳴於建昌熊士瞻後贛縣謝俊之前其為江西人無疑蓋新唐書成於宋仁宗之時臨江之地史家從後追書之耳

此當入何類

侯恭

聶道茂

入之官業儒林

隱逸

聶道茂吳丹陽太守友之九世孫自友祖漢潁川太守良士隱居新淦玉笥山十一傳至友卒葬清江道茂官唐尚書令距友墓五里許初五經樓分授諸子今其地名尚稱經樓云李長卿文集

歐陽董蕭灘鎮人唐僖宗時結屋隱居讀書山中宅邊叢生瑞竹色爛如銀丞相孫偓以謫官至見之嘆為神仙中人也題所居山曰瑞筠山今慧力寺其遺宅也寺內讀書臺故址存焉瑞筠山志

鄧志曰右人物僅唐魯季文仍舊志餘俱增補自漢至唐共九人

宋

劉式字叔度明春秋公穀之學南唐舉進士是時張洎主文衡獨放式一人太祖平江南羈旅入京歷鴻臚大理丞出監通州和豐倉入判三司都磨勘司時財賦充斥無所稽覈式條其缺漏創主轄支收司奸吏畏服治化中奉使往諭三韓酋長歸化轉太常博士賜御書法帖十六軸終刑部郎中五子長立本字道夫咸平三年

列官出

唐尚書令未何事蹟

進士、歷官壽州下蔡令、早卒、次立言、字禹昌、大中祥符八年進士、歷九官、皆以治行聞、次立之、立德、別有傳、立禮、天聖二年進士、秦志參人物志

△劉立之、字斯立、式中子也、少孤、能自立、舉進士、爲福州連江尉、睦州清溪簿、宣州南陵令、改大理寺丞、知金華縣、太子中舍、知梓州中江縣、通判瀘州、瀘州接西南夷、常用武人爲守、數怨叛、議者以武人不習邊情、宜得能吏判州事、立之始以才選、爲明約束、止侵欺、曰、必使信自我始、邊人安之、通判常州、知高郵軍、累遷殿中丞、國子博士、尚書虞部員外郎、知潤州、皆有能政、以能選爲提點福建路刑獄、察獄寃、奏熙知泉州、蘇壽通判、張大冲所部皆震悚、御史考其課爲天下第一、遷司勳員外郎、開封府判官、荆湖北路轉運使、坐舉官免、杜衍、李若谷、范仲淹等皆言天下多事、如劉立之不宜久居於家、復起爲比部員外郎、知漣水軍、言事者以謂自元昊反而天下之民弊、州縣吏苟簡弛壞、宜大選轉運按察諸路、立之以選爲荆湖北路轉運使、他路繩吏過急而被按劾多不服、立之舉察簡而賢否無不當、時廣西湖南夔峽諸蠻叛亂、立之所部辰州彭氏蠻亦招集亡命、囚辱州縣使人、辰鼎澧三州守吏皆言蠻叛有蹟、請加兵、詔書問立之、下三州無得妄動、一聽立之所爲、而蠻卒無事、復爲司勳員外郎、判三司度支勾院、改鹽鐵判官、

假大常少卿、接伴契丹使、遂使於契丹、還言、擅魏築河隄、非其時、雖成必決、後河果決、商胡爲人、沉敏少言、笑與人寡合、而喜薦士、被薦者多爲聞人、轉運鹽鐵、皆掌財賦、而立之、嘗以民爲先、調率吏不得因緣、而民不重費、守官不爲勢牽、不爲利奪、瀘州有鹽井、蜀大姓王蒙正、請歲倍輸以自占、蒙正與太后嫻連、轉運使等皆不敢與奪、立之曰、倍輸於國家、猶秋毫耳、奈何使貧民失業、遂執不與、在鹽鐵次、當舉官、三司使欲用其私人、以空名狀取署、立之不肯署、而求舉者姓名、三司使不悅、命他判官舉之、後三司使竟坐所舉罷、慶曆八年、遷主客郎中、益州路轉運使、其年卒於官、年六十四、五子、敞、

敞最知名、

歐陽修六一居士集

官業

天禧三年下
當加秦志作
天禧三年誤小
字双行寫

△劉立德字寬叔、式第四子、天禧三年進士、累官光祿卿、會旱、疏成湯六事、今驗有二、杜衍、范仲淹、富弼、韓琦、授以大柄、歐陽修、孫甫、列之從官、譖言一入、目爲朋黨、忠不見信、道不見用、非所以辨邪正、求治道、信夫讒夫、昌民失職也、不報、五世孫靖之、清之、秦志

按劉立德、秦志作天聖二年進士、今從通志選舉

更正

△劉敞字遵父、舉慶曆進士、廷試第一、編排官、王堯臣、其內兄也、以親嫌自列、乃以爲第二、通判蔡州、直集賢院、判尚書考功郎、夏竦薨、賜諡文正、敞言、諡者、有司之事、

名臣

竦行不應法。今百司各得守其職。而陛下侵臣官。疏三上。改諡文莊。方議定大樂。使中貴人參其閒。敞諫曰。王事莫重於樂。今儒學滿朝。辨論有餘。而使若趙談者參之。臣懼爲袁盎笑也。權度支判官。徙三司。使秦州。與羌人爭古渭地。仁宗問敞。棄守孰便。敞曰。若新城可以蔽秦州。長無羌人之虞。傾國守焉可也。或地形險利。賊乘之以擾我邊鄙。傾國爭焉可也。今何所重輕。而殫財困民。損士卒之命。以規小利。使曲在中國。非利也。議者多不同。秦州自是多事矣。温成后追冊。有佞人獻議求立忌敞。曰。豈可以私昵之故。變古越禮乎。乃止。吳充以典禮得罪。馮京論救之。亦罷近職。敞因對極論之。帝曰。充

能官。京亦無他。中書惡其大直。不相容耳。敞曰。陛下寬仁好諫。而中書乃排逐言者。是蔽君之明。止君之善也。臣恐感動陰陽。有曰食地震風霾之異。已而果然。因勸帝收攬威權。無使聰明蔽塞。以消災咎。帝深納之。以同修起居注。未一月。擢知制誥。宰相陳執中惡其斥已沮止之。帝不聽。宦者石泉彬領觀察使。意不愜。有愠言。居三日爲真。敞封還除書。不草制。奉使契丹。素習知山川道徑。契丹導之行。自古北口至柳河。回曲殆千里。欲夸示險遠。敞質譯人曰。自松亭趨柳河。甚徑且易。不數日可抵中京。何爲故道。此譯相顧駭愧。曰。實然。但通好以來。置驛如是不敢變也。順州山中有異獸如馬而食虎

豹契丹不能識問敞敞曰此所謂駁也為說其音聲形狀且誦山海經管子書曉之契丹益歎服使還求知揚州狄青起行伍為樞密使每出入小民輒聚觀至相與推誦其拳勇至墜馬足不得行帝不豫人心動搖青益不自安敞辭赴郡為帝言陛下幸愛青不如出之以全其終帝頷之使出諭中書青乃去位揚之雷塘漢雷陂也舊為民田其後官取瀦水而不償以它田主皆失業然塘亦破決不可漕州復用為田敞據塘舊券悉用還民發運使爭之敞卒以予民天長縣鞠王甲殺人既具獄敞見而察其冤甲畏吏不敢自直敞以委戶曹杜誘誘不能有所平反而傳致益牢將論囚敞曰冤也親按

問之甲知能為己直乃敢告蓋殺人者富人陳氏也相傳以為神明徙鄆州鄆州比易守政不治市邑攘敝公行敞決獄訟明賞罰境內肅然客行壽張道中遺一囊錢人莫敢取以告里長里長為守視客還取得之又有暮遺物市中者旦往訪之故在先是久旱地多蝗敞至而兩蝗出境召糾察在京刑獄營卒桑達等醉鬪指斥乘輿皇城使捕送開封棄達市敞移府問何以不經審訊府報曰近例凡聖旨及中書樞密所鞠獄皆不慮問敞奏請一準近格樞密院不肯行敞力爭之詔以其章下府著為令嘉祐裕享羣臣上尊號宰相請撰表敞說止不得乃上疏曰陛下不受徽號且二十年今復加數字

不足盡聖德而前美並棄誠可惜也今歲來頗有災異正當寅畏天命深自抑損豈可於此時乃以虛名爲累帝覽奏顧侍臣曰我意本謂當爾遂不受蜀人龍昌期著書傳經以詭僻惑衆文彥博薦諸朝賜五品服敞與歐陽修俱曰昌期違古畔道學非而博王制之所必誅未使卽少正之刑已幸矣又何賞焉乞追還詔書毋使有識之士窺朝廷深淺昌期聞之懼不敢受賜敞以議論與衆忤求知永興軍拜翰林侍讀學士大姓范偉爲姦利冒同姓戶籍五十年持府縣短長數犯法敞窮治其事偉伏罪長安中謹喜未及受刑敞召還判三班院偉卽變前獄至於四五卒之付御史決敞侍英宗講讀

每指事據經因以諷諫時兩宮方有小人閑言諫者或訐而過直敞進讀史記至堯授舜以天下拱而言曰舜至側微也堯禪之以位天下享之百姓戴之非有他道惟孝友之德光於上下耳帝竦體改容知其以義理諷也皇太后聞之亦大喜敞積苦眩瞶屢予告帝固重其才每燕見他學士必問敞安否帝食新橙命賜之疾少闕復求外以爲汝州旋改集賢院學士判南京御史臺熙寧元年卒年五十敞學問淵博自佛老卜筮天文方藥山經地志皆究知大畧嘗夜視鎮星謂人曰此於法當得主不然則生女後數月兩宮主生又曰歲星往來虛危閔色甚明盛當有興於齊者歲餘而英宗以齊州

敬所著書名
公是先生集

名臣

防禦使入承大統嘗得先秦彝鼎數十銘識奇奧皆案而讀之因以考知三代制度尤珍惜之每曰我死子孫以此烝嘗我朝廷每有禮樂之事必就其家以取決焉爲文尤敏贍掌外制時將下直會追封王主九人立馬却坐頃之九制成歐陽修每於書有疑折簡來問對其使揮筆答之不停手修服其博長於春秋爲書四十卷行於時弟攸子奉世宋史

△劉攽字貢父與敞同登科仕州縣二十年始爲國子監直講歐陽修趙概薦試館職御史中丞王陶有夙憾率侍御史蘇棻共排之攽官已員外郎纔得館閣校勘熙寧中判尚書考功同知太常禮院詔封太祖諸孫行尊

者爲王奉太祖後攽言禮諸侯不得祖天子當自奉其國之祖宜崇德昭德芳之後世世勿降爵宗廟祭祀使之在位則所以褒揚藝祖者著矣後二王紹封如攽議方更學校貢舉法攽曰本朝選士之制行之百年累代將相名卿皆由此出而以爲未嘗得人不亦誤哉願因舊貫毋輕議改法夫士修於家足以成德亦何待於學官程課督趣哉王安石在經筵乞講者坐攽曰侍臣講論於前不可安坐避席立語乃古今常禮君使之坐所以示人主尊德樂道也若不命而請則異矣禮官皆同其議至今仍之考試開封舉人與同院王介爭詈爲監察御史所劾罷禮院省試始用策初考官呂惠卿列阿

時者在高等、訐直者反居下、攸覆考悉反之、又嘗詒安石書論新法不便、安石怒、撫前過、斥通判泰州、以集賢校理判登聞檢院、戶部判官、知曹州、曹為盜區、重法不能止、攸曰、民不畏死、奈何以死懼之、至則治尚寬、平盜亦衰息、為開封府判官、復出為京東轉運使、部吏罷軟不逮者、務全安之、徙知兗毫二州、吳居厚代為轉運使、能奉行法令、致財賦、乃追坐攸廢弛、黜監衡州鹽倉、哲宗初起知襄州、入為秘書少監、以疾求去、加直龍圖閣、知蔡州、於是給事中孫覺、胡宗愈、中書舍人蘇軾、范百祿、言攸博記、能文章、政事侔古循吏、身兼數器、守道不回、宜優賜之、告使留京師、至蔡數月、召拜中書舍人、請

攸所著書名
公非先生集

官業

儒林

復舊制、建紫薇閣於西省、竟以疾不起、年六十七、攸所著書百卷、尤邃史學、作東漢刊誤、為人所稱、預司馬光修資治通鑑、專職漢史、為人疎儻、不修威儀、喜諧謔、數用以招怨悔、終不能改。宋史

△胡向、皇祐元年進士、自袁州司理、歷審刑院詳議、權大理卿、決獄仁恕、所至無冤、嘗倅越州、二浙綜核吏能、奏課為天下第一、向天資忠厚、不妄言動、恩惠及物、未嘗自矜。府志

△傅燮、字志康、嘉祐二年進士、熙寧中、繇幕府累遷少府少監、專劇郡、所至有聲、尤博學、藏書萬卷、皆手自校勘、年八十、好學不衰。林志

△李中，字至之，父宗孟，官至刑部尚書。中登嘉祐二年進士，與南豐曾鞏、德化范端、新淦三孔兄弟為友。博學多文，尤篤於義。范端知臨江軍，卒於官，中理其後事，具行狀致曾鞏誌其墓。衢州周昞知雙流縣，至江陵卒於舟，子始七歲，中為具喪事，所須撫其孤，歷官朝奉郎、司管庫於京師。一日上書致其祿位，天子嘉其恬退，許之。官其子邈、孔武仲序而送之。元豐類稿參三孔清江集

△劉奉世，字仲馮，天資簡重，有法度。中進士第，熙寧三年初置樞密院，諸房檢詳文字，以太子中允居吏房，先是進院，每五日具定本報狀上樞密院，然後傳之四方，而郎吏輒先期報下，或矯為家書以入郵，置奉世乞革定

本，去實封，但以通函騰報從之。神宗稱其奉職不苟，加集賢校理、檢正中書戶房公事，改刑房，進直史館。國史院編修官大理治相州獄，詳斷官竇華以白奉世，奉世曰：君自以法從事，毋庸白。後蔡確以是文致奉世罪，謫降蔡州糧料院。久之，為吏部員外郎。元祐初，歷度支左司郎中、起居郎、天章閣待制、樞密郎承旨、戶部吏部侍郎、權戶部尚書。七年，拜樞密直學士、僉書院事。哲宗親政，用二內侍為押班，中書舍人呂希純封還之。帝謂有近例，奉世曰：雖有近例，奈人不可戶曉，顧以率先施行為非耳。帝為反命，既而章惇當國，奉世乞免去。紹聖元年，以端明殿學士知成德軍，改定州。踰年，知成都府。過

都入觀欲述朋黨傾邪之狀帝將聽其來曾布曰元祐
變先朝法無一當者奉世有力焉最爲漏網恐不足見
遂不許明年責光祿少卿分司南京居柳州御史中丞
邢恕劾奉世合劉摯傾害大臣附呂大防蘇轍遂登政
府再貶隰州團練副使徽宗立盡還其官職知定州大
名府鄆州崇寧初再奪職責居沂兗以赦得歸政和三
年復端明殿學士薨年七十三奉世優於吏治尚安靜
文詞雅贍最精漢書學常云家世惟知事君內省不愧
作士大夫公論而已得喪常理也譬如寒暑加人雖善
攝生者不能無病正須安以處之 宋史

文苑

劉延世字述之敞之猶子善寫墨竹築堂曰抱甕爲講

孫公談圃

書之所嘗侍親守官長汀縣適高郵孫升謫官來居延
世日從之遊因錄其言可以爲後法者爲三卷各曰孫
公談圃 圖繪寶鑑參談圃

此當入何類

侯恭

胡蒙兩冠鄉書與黃庭堅同年登進士第時以直道不
阿官止邑令 府志 胡蒙亦權列 官業

官業

胡靜字應侯向之子磊落有大志讀兵書應武舉試秘
閣爲第一從西帥入夏界修羅九城破賊於賞逋嶺勇
冠三軍以功加閣門祇候累遷秦州東路蕃漢巡檢 林志

隱逸

胡宗元性篤敏讀書好文隱居不仕自結髮迄於白首
未嘗廢書其胸次所藏未嘗肯下一世之士也窮於邱
壑而耆老於翰墨有詩若干卷黃庭堅序之曰宗元之

官業

詩好賢而樂善安土而俟時寡怨之言也可以追次其平生見其少長不倦忠信之士也至於遇變而出奇因難而見巧則又似予所論詩人之態也其興託高遠則附於國風其忿世嫉邪則附於楚辭子遵道登進士別有傳黃庭堅豫章集

△李巖元祐二年知東莞縣以能名邑東瀕江田每罹夏潦之害巖於西湖福隆右貝司馬頭巾山牛渡海諸處築長隄捍之民獲其利明年復築鹹湖隄十有二延袤一萬六千八十丈衛田二萬千餘頃至今賴之廣東名宦志

△胡遵道登元豐二年進士除泰和主簿性至孝嘗以安

車奉父宗元就養時黃庭堅知泰和縣與為僚友遵道持其父詩集請於庭堅序焉泰和志

△胡致隆字藏之父蒙嘗以治平進士官邑令致隆讀書恥為新經學遂不事科舉自號蕭灘居士賢士大夫樂與遊政和初上封事以布衣召未及對而卒參林志

△楊无咎字補之以詩學薦試禮部不偶不復事舉子業游聘翰墨得歐虞筆法善作墨梅有進之阜陵者上笑曰村梅也因自名村梅有詞集行於世秦志

△李邈字彥思唐宗室宰相適之之後少有才畧精悍敏決見事風生以父任為太廟齋郎初調安州司理監潤州酒務用薦陞京官監在京竹木務擢提轄環慶路糧

按致隆父彥明與黃山同年故藏之以詩取和於山谷無子遺稿不傳見傳紀事

孝友

隱逸

隱逸

驍

忠義

草通判河閔府以幹蔡京童貫換右列由承議郎換莊宅副使知信安軍遷知霸州爲遼國賀正副使還貫將連金人夾攻契丹呼邈至私第以語動之使副已邈言契丹人未厭其主貫懼邈有異議卽奏不俟對令復任邈上書言契丹不可滅苟誤幾事願謙臣以謝邊吏部轉運使沈積中摺邈罪五十有三條鞫治一無所得乃以建神霄宮不如詔免官久之監在京染院進都大提舉京西汴河隄岸盜起浙東改江淮兩浙制置司管當公事改知嚴州代還貫欲以西師入燕邈復語貫曰方臘小醜一呼屠七州四十餘縣竭數路之力而後能平之殆天以此警公也何可遽移之北乎因密教貫陰佐契丹以圖金人貫不能用乃乞致仕貫收復燕山奏邈知涿州改易州皆辭不赴嘆曰國家禍亂自茲始矣金人犯京師詔趣入見邈慨然復起就道旣至會姚平仲戰不利京師震動上不以時賜對問禦敵奈何邈言勝負兵家之常勢陛下無過憂第古未有和戰不定而能成功者因言种師道宿將有重名二敵所畏朝廷自主和議而盡以諸道兵異師道視敵爲進退將在軍中君命有所不受使見可擊而進勝固社稷之福不勝亦足使敵知吾將帥有以國爲任者上稱善而耿南仲方主和議不合乃換右文殿修撰京畿轉運使辭不拜金人猶駐毛駝崗乃以邈爲京城西壁守禦使邈言姚平仲

賂績而敵猶不敢留是畏我也不以种師道再戰已失機會尚可尾其行及河半渡擊之猶足爲後戒議復格三上章致仕不允改主管馬軍公事權樞密副都丞旨出爲河北西路制置使以措置山西塘灣屯田弓箭手事邈論塘灣不可爲奪制置使下遷提舉保甲仍領措置司又論不已再奪觀察使則金兵將及境矣遂復舊官守真定後二日落階拜青州觀察使仍知府事邈始視事兵不滿二千錢不滿二百萬自度無以拒敵乃諭民出財共爲死守恃邈爲固不數日得錢十三萬貫粟十一萬石募民爲勇敢亦數千人而新集之兵皆無鬪志金人至邈乞師于宣撫使劉韜且閤道走蠟書上聞

皆不報城被圍且戰且守相持四旬城破邈巷戰不克將赴井左右持之不得入幹離不脇邈拜不拜以火燎其鬚眉及兩髀亦不顧乃拘於燕山府金人問曰集民兵擊我謂我爲賊何也邈曰汝負盟所至掠吾金帛子女何諱吾言敵不能屈久之欲以邈知滄州笑而不答且說之曰天下強弱之勢安有常特吾中國適逢其隙耳汝不以此時歸二帝尸兩河地歲取重弊如契丹以爲長利強尚可恃乎金人諱其言命邈被髮左衽邈憤詆毀愈力金人搥其口猶吮血嚙之翼日自去髮爲浮屠金人大怒遂遇害將死顏色不變南向再拜端坐就戮燕人爲之流涕高宗贈招化軍節度使諡曰忠壯

△傅雱字彥濟重和元年進士高宗初宰相李綱薦雱可

使金假工部侍郎充通問使行尋詔止之授朝奉郎尚

書考工員外郎秦志

△向子諲字伯恭敏中元孫欽聖憲肅皇后再從姪也元

符三年以後復辟恩補假承奉郎三遷知開封府咸平

縣豪民席勢犯法獄具上尹盛章方以獄空覬賞却不

受子諲以聞詔許自論決章大怒劾以他事勒停宣和

初復官除江淮發運司主管文字淮南仍歲旱漕不通

有欲濬河與江淮平者內侍主其議無敢可否發運司

檄子諲行子諲言自江至淮數百里河高淮數丈而欲

濬之使平決不可曩時有司三日一啟闢復作澳儲水

故水不乏比年行直達之法加以應奉往來啟閉無節

堰閘率不存今復故制嚴禁約則無患使者用其言漕

復通遷秩一等召對除淮南轉運判官以戶部奏諸路

起發上供不及數降一官七年入為右司員外郎不就

以直秘閣為京畿轉運副使尋兼發運副使建炎元年

金人犯亳州子諲自勤王使以書遺金人言兵勢逆順

令退保河外金人遽以亳宋等州守禦所牒報之約日

索戰語極不遜諸道兵畏縮不進時康王次濟州子諲

遣進士李植獻金帛及本司錢穀之在濟州者以助軍

費張邦昌僭位遣人持勅書往廬州問其家安否子諲

檄郡守馮詢提舉范仲使拘之以俟王命邦昌又使其甥劉達賫手書來子諲不啟封焚之械繫達於獄遣子澹請康王率諸將出其不意以救二帝遣將王儀統勤王兵至城下遷直龍圖閣江淮發運副使子諲言去歲劉順奉淵聖蠟詔令監司帥守募兵勤王臣卽鏤版徧檄所部而六路之閑漠無應者閑有團結起發者類如兒戲姑以避責而已惟淮東一路臣親率諸司組成紀律然諸司猶有占吝錢物莫肯供億殊不念君父幽處圍城之中臣當時恨無利刃以加其頸今城中失守二帝播遷倘賞罰不行金人再爲邊患陛下欲復起天下之兵而諸路翫習故常恬不知畏將何恃以濟艱難哉願明詔大臣按劾諸路監司向承蠟詔廢格不勤及名爲勤王而稽緩者悉加顯黜命諸提刑司究實以聞九月子諲罷以素爲李綱所善故黃潛善斥之明年知襲慶府道梗不能赴初邦昌爲平章軍國事子諲乞致仕避之坐言者降三官起復知潭州禁卒爲亂縱火掠市出瀏陽子諲遣通判孟彥卿等進及攸縣平之金人破江西移兵湖南子諲聞警報率軍民以死守宗室成中郎聿之隸東壁子諲巡城顧謂曰君宗室不可效此曹苟簡聿之感激流涕金人圍八日登城縱火子諲率官吏奪南楚門遁城陷坐麟至失守落職罷轉運副使賈收言子諲督兵巷戰又收潰卒復入治事帝亦以子諲

與他守臣望風遁者殊科詔復職紹興元年移鄂州主
管荆湖東路安撫司劇盜曹成據攸縣子諲軍於安仁
遣使招之成聽命子諲又遣將西扼衡南守宜章成邊
巡不敢南向者百餘日諸郡遂得割獲既而援兵不至
成忿子諲扼已擁眾而南子諲率親兵拒之會官軍潰
度不可遏單騎入賊中諭以國家威靈成不報執子諲
歸會宣撫司都統制馬廣遣人持吳敏檄諭成成許受
招始釋子諲詔提舉江州太平觀胡安國方避地湖南
以書抵秦檜言子諲忠節可以扶持三綱願憐其無救
而陷於賊復加收用起知廣州時恐賊度嶺故就用子
諲守之又以言者罷遂致仕尋起知江州改江東轉運

使進秘閣修撰江東當餉劉光世軍適劉豫入寇光世
軍合淝以乏餉告亟退師子諲馳至合淝具見糧以聞
光世由是得罪進徽猷閣待制徙兩浙路為都轉運使
除戶部侍郎入見論京都舊事頗及珍玩起居郎潘良
貴故善子諲聞其言甚怒既而子諲奏金國報聘及奠
朱震事反復良久良貴徑至榻前厲聲叱之曰子諲不
宜以無益之談久煩聖聰子諲欲退上謂良貴曰是朕
問之也又諭子諲款語子諲復語久不止良貴叱之退
者再上色變欲抵良貴罪中丞當同言良貴無罪願許
子諲補外上併怒同張九成言士大夫所以嘉子諲者
以其能眷眷於善類今以子諲故逐柱史又逐中司非

文苑

所以愛子諲也。上意稍解，批諭同。同言不已，於是三人俱罷。子諲以徽猷閣直學士知平江府。金使議和將入境，子諲不肯拜金詔，乃上章言自古人主屈已和戎，未聞甚於此時，宜却勿受。忤秦檜意，乃致仕。子諲相家子，能修飭，自見於時。友愛諸弟，置義莊贍宗族。初漕淮南時，張邦昌偽詔至虹縣，令已下，迎拜宣讀如常式。武尉徐端益不拜而走，事定，子諲言於朝，易端益文資，退閔十五年，號所居曰薌林，卒年六十八。宋史

△魯澣字子明，力學強記，尤精於易，喜吟咏，嘗與向子諲為詩社，既捐館，子諲念不置，和中秋詩，有點簡，惟無姓魯人之句。初澣有城園數畝，日事種蒔，植含笑花數十株，因自號笑塢老人。秦志

宦業

△劉楠字公材，紹興初知秦和縣，首興學校，樂育人才，邑人愛戴之，為立生祠於縣學。秦和志

宦業

△李維芑字仲彭，紹興中知新城縣，以愛民為本，民之利病，纖悉洞究，省徭役，興學校，以儒術飭吏事，民立祠祀之。一統志

宦業

△劉龜年字且老，汝曾孫也，祖方雄，州防禦推官，父襄，右朝請大夫，龜年靜重純篤，少決科，不遇蔭，從事郎，調峽州司戶參軍，遭喪不赴，改錢塘主簿，錢塘為赤縣，職事多與貴要人接，時秦檜用事，鄉黨姻舊或以文字見知，登顯仕，謂龜年曰：盍亦求之。龜年不答，益自閉匿，退治

簿書惟謹、竟秦氏敗、無所汚、人以為難、遷道州軍事判官、守李南壽、以政事文詞薦諸朝、比去、懷其餘章、授後守、曰、判官賢、不求人知、恐君或失之、故留此、以俟、後守去、亦如之、改宣教郎、知武陵縣、縣境田多荒、冒耕者眾、其健者與吏為一、侵漁訴訟、展轉不止、龜年推窮本始、必見端緒、而予奪之、訟為少息、楚俗右鬼淫祀、有潘仙翁者、歲時集會、搥金鼓、執戈矛、迎而祭之、龜年命尉杜師顏、撤屋毀像、收其兵刃、罪其倡之者、眾然後定、縣十年不升降戶等賦、役不均、咸以為病、龜年始為改造帳籍、民無異詞、部使者以其治行聞於朝、有旨、記姓名申書、然秩滿則詣尚書銓注官、以歸、卒不一見丞相、改通

子孟容
當另立
傳入儒
林以別之



判沅州、沅並邊蠻、侵掠無寧歲、時羣獠大動、守懼、求去、龜年攝州事、按邊防舊法、立條約、授邊吏明諭、威禁、以無事鎮之、蠻遂帖服、嘗言長貳失和、多由下有勝心、以駕其上、故雖善意、或不得伸、惟盡吾事、長官之禮、而行吾所以佐之之義、則庶其見信矣、乞祠、主管台州崇道觀、階朝奉郎、賜五品服、卒、朱子為表其墓、子孟容、字公度、登高熙八年進士、授分宜主簿、初從族父清之學、後受業朱子之門、朱子稱其謹潔、自好學問、有方書問、往復甚頻、嘗復書云、所論為學之意甚善、初蓋不能不以為疑、今得如此、甚慰意也、又云、來書見志道之篤、所論主敬之說、誠學者之切務、然此亦要得講學窮理之功

見得道理歷歷分明方肯如此蓋其造詣純篤在朱門弟子中亦錚錚表著者也

朱子大全文集

△向澹字伯海靖康之冬金兵南侵父子譁爲漕帥糾諸道兵入援遣澹以勤王師赴北轅之難建炎初錄功授初等官改秩爲長沙幕府久之通判蘄州未赴改通判平江府以母老丐祠尋差知興國軍入對便殿以求賢儲才爲先務乞嚴薦舉法且以諸都上供州用不均爲病謂如江西四郡額歲入米十三萬斛而上供纔三萬袁歲入米十一萬而上供纔五萬則上供數少而州用多臨江歲入十二萬而止留一萬筠歲入八萬六千而止留數之例則上供多而州用少他路當亦類此乞詔

逐路州軍歲入多少以七分充上供三分分給州用如是則二者適中不至巧取耗贖重困民力上可之下車之初布德意求民瘼省刑罰息追擾謹出納節浮費抑強扶弱御吏嚴而不殘簿領細故亦規程之曰害端實在此折帛錢比本色倍徙積弊之久悉敷下戶而豪右以賄免乃令一概均輸酒榷歲額不登卽科民戶沽賣逋負新故相因監涸束濕至破產首命罷之仍乞改新額大觀以來蘄黃歲市絹於興國以充軍衣兵興乃已紹興乙卯戶部復下其數名曰淮衣雖云和買實不支一錢迫令隨上供起發澹曰興國賦絹以正計者四千五百二十四和買八千三百五十三又敷淮衣六千三

百八十三合一萬八千二百八十正稅外頓增四之三
民安得不困具以聞戶曹嗇於裁減懇請再三不已人
爲危懼時歲歉與國獨甚乃括田晦蠲其賦以所蠲多
寡戶揭之奸欺不得逞又諭巨室發廩籍饑者而部分
焉周郭爲若干場場隸一官旬有鈎稽之法鄉抵郭內
部分亦如之若羸老則食以常平之粟他郡流移則食
穀境上損直以售有入境者預飭佛老之宇止焉至者
如歸遺棄赤子令民字之官售其疑且丐於朝寬未納
折帛錢凡古拯饑條目纖悉畢舉下受實惠時發運司
復大治錢監工費率仰與國澹日連年饑饉抹死扶傷
不贍奚暇及此無寧獲譴不敢負國竟坐課殿股官一
等以病屢丐祠不許卒於官年六十八澹明敏強濟樂
於事功事親至孝子諲退休鄉林於郡學建經史閣未
就而卒澹卒成之給孤恤貧建義塚以葬暴骸子仕虎
仕凱凱將仕郎士虎別有傳

胡宏文集

儒林

向滂字伯源子諲仲子從五峯胡宏受學已復從宏父
安國遊安國以給事中免歸滂館諸寓舍朝夕請益甚
篤與朱子張栻彭龜年劉清之友善往來講學不輟初
簽判邵州卽乞祠歸紹興初以直秘閣知永州下車首
尊賢崇雅建濂溪祠於州學講堂後發明周程之學以
示學者再歲引歸滂靜重端恪綽有典型其學以居敬
立誠爲先朱子嘗過滂林爲留宿數日而去

同上

儒林

壽岡集

官業

△楊愿字謹仲其先新喻人曾大父光祿卿申家於郡城遂爲清江人愿銳志於學鄉之後進多出其門年四十四方登第由縣簿歷官車輅院上章乞歸郡城有富壽岡因以自號人稱壽岡先生士大夫東西行者必造訪其廬年七十九卒所著有壽岡集八卷周必大爲之序自志

△徐夢莘字商老幼慧耽嗜經史下至稗官小說寓目咸誦紹興二十四年舉進士歷官爲南安軍教授改知湘陰縣會湖南帥括田號增耕稅他邑奉令惟謹夢莘獨謂邑無新田租稅無從出帥恚其私於民欲從簿書開攬撫其過終莫能得由是反器重之尋主管廣西轉運司文字時朝廷議易二廣鹽法遣廣西安撫司幹官胡廷直與東西漕臣集議於境夢莘從行謂廣西阻山正當仍官般法則害不及民廣東諸郡並江或可容客販未宜遽以二廣概行議與廷直不合廷直竟遂其說以客販變法得爲轉運使夢莘旣知賓州猶以前議爲梗法罷去不三年二廣商賈毀業民苦無鹽復從官般法矣夢莘恬於榮進每念生於靖康之亂四歲而江西阻訃母襁負亡去得免思究見巔末乃網羅舊聞會萃同異爲三朝北盟會編三百五十卷自政和七年海上之盟訖紹興三十一年完顏亮之斃上下四十五年凡曰勅曰制誥詔國書書疏奏議記序碑志登載靡遺帝聞

而嘉之擢直秘閣夢莘生平多所著有集補有會錄有讀書記志有集醫錄有集仙錄皆以儒學冠之其嗜學博文蓋孜孜焉死而後已者開禧元年秋八月卒年八十二宋史

清江縣志卷之十三

人物二

○宋劉靖之儒林 ○劉清之理學 ○張紱孝友 ○劉荀官業

○袁震孝友 ○陳琦官業 ○劉誠之官業 ○韋楫文苑

○朱景文文苑 ○彭龜年理學 ○蔡浩然官業 ○徐得之文苑

○徐筠官業 ○彭鉉官業 ○王光祖孝友 ○向士虎隱逸

○劉師文孝友 ○傅自立孝友 ○劉性之官業 ○徐天麟儒林

○劉昌詩文苑 ○趙與皆官業 ○張洽理學 ○孔鑑儒林

○王采官業 ○王札官業 ○傅實之附傳 ○鄒登龍文苑

○王選文苑 ○聶壽官業 ○徐卿孫官業 ○楊應登孫雲

○黃祁文苑 ○趙孟玖孝友 ○趙孟濟忠義 ○侯逢丙善士

○聶斗月 考友

○元黃圭 文苑 ○羅志仁 文苑 ○徐必茂 隱逸 ○范楫 儒林

○黃遵 考友 ○皮儀 隱逸 ○何岳生 隱逸 ○杜本 隱逸

○黃良孫 儒林 ○皮潛 儒林 ○皮野 隱逸 ○野達觀 隱逸 ○曾聯

○周良佐 儒林 ○楊鈞 隱逸 ○徐基 文苑 ○楊桂芳 文苑

○曹貫 儒林 ○宋沂 儒林 ○晏然 儒林 ○徐鎰 弟鏞

○習是 文苑 ○黃贊 考友 ○趙由侶 忠義 ○朱誼立 善士

○張理 儒林 ○趙思順 官業 ○裴夢霆 文苑 ○劉應樞 忠義

○劉天祐 忠義 ○楊士宏 文苑 ○陳文彬 官業 ○彭鏞 文苑

○周恒 文苑

△劉靖之字子和紹興二十四年進士任吉州戶椽邵武

尉調贛州教授改宣教郎遭繼母喪以卒為入廉靜寡

欲家居孝友尤篤自少即以經學文行知名贛庠故有

趙清獻公祠後廢而生祠郡守部刺史至五六人靖之

曰趙公與濂溪先生法皆當得祠者今或廢於已舉或

初未嘗立也彼紛紛者何為哉命皆撤去而更為二公

祠時贛人尚不知有濂溪之學為出其書使讀之而益

發明其旨朝夕講論不倦於是學者始知所尚云詳朱

子所撰傳 秦志

△劉清之字子澄靖之弟少時受讀於兄甘貧力學博極

書傳登紹興二十七年進士第調袁州宜春縣主簿未

儒林

理學

由是賦役平、爭訟息、調高安縣丞、時江右大稔、郡檄視旱、徒步阡陌、閱親與民接、凡所蠲除、具得其實、州議減常平米直、清之曰、此惠不過三十里內耳、外鄉遠民、勢豈能來、老幼疾患之人、必有餒死者、今有粟之家、閉不肯糶、實窺伺攘效者眾也、在我有政、則大家得錢、細家得米、兩適其便、乃請均境內之地為八俾、有粟者分賑其鄉、官為主之、規畫防閑、民甚賴之、帥龔茂良以棟實跡聞於朝、又偕諸公薦之、發運使史正志按部至筠、俾清之拘集州縣畸零之賦、清之不可、清之有同年生在幕中、謂曰、侍郎因子言、謂子愛民、特立將薦子矣、其以閱閱來、清之貽之以書曰、所謂贏資者、皆州縣侵刻於民、法所當禁、縱有贏資、是所謂羨餘也、獻之自下、而詔止之、今則止而求之、乃自上焉、不奪不饜、其弊有不可勝言者、願侍郎自請於朝、姑歸貳卿之班、主大農經費、以佐國家、如此、則士孰不願出侍郎之門、不然、某誠不敢玷侍郎知人之鑒、以薦者、兩有審察之命、清之竟不見丞相、詣吏部銓、得知宜黃縣、茂良入為參知政事、與丞相周必大薦清之於孝宗、召入對、首論民困兵驕、大臣退託、小臣苟媮、願陛下廣覽兼聽、并謀合智、清明安定、提要挈綱、而力行之、古今未有俗不可變、弊不可革者、變而通之、亦在陛下方寸之閑耳、又言用人四事、一曰辨賢否、謂道義之臣、大者可當經綸、小者可為儀

用功名之士大者可使臨政小者可使立事至於專謀
富貴利達而已者下也二曰正名實今百有司職守不
明非曠其官則失之侵偏願詔史官考究設官之本意
各指其台主何事制旨規定載之命書依開寶中差諸
州通判故事使人人曉然知之而行賞罰焉三曰使材
能謂軍旅必武臣錢穀必能吏必臨之以忠信不欺之
士使兩人者皆得以效其所長四曰聽換授謂文武之
官不可用違其才然不當許之自列宜令文武臣四品
以上各以性行材畧及文武藝每歲互舉堪充左右選
者一人於合入資格外稍與優獎改太常寺主簿丁內
艱服除通判鄂州鄂大軍所駐兵籍多僞清之白郡及

諸司請自通判廳始俾僞者以實自言而正之州有民
妻張以節死嘉祐中詔封旌德縣君表其墓曰烈女中
更兵火至是無知其墓者清之與郡守羅願訪而祠之
鄂俗計利而尚鬼家貧子壯則出贅習爲常尤謹奉大
洪山之祠病者不藥而聽於巫死則不葬而昇諸火清
之皆諭止之差權發遣常州改衡州衡自建炎軍興有
所謂大軍月椿過湖錢者歲送漕司無論七八萬緡以
四邑所入麴引錢及郡計畸零苗米折納充之舊六民
有吉凶聚會許買引爲酒麴謂之麴引錢其後直撥於等
第敷納衡有五邑獨敷其四取民之辭不正良民偏受
其害而黠民往往侮易其上乃并與常賦不輸雖得麴

以等

引錢四五萬緡而常賦之失不啻數萬緡矣清之請於朝願與總領所酌損補移漸圖蠲減不報遂戒諸邑董常賦緩雜征閣舊賦戒預折校簿籍謹推收督勾遺負防帶鈔治頑梗梏吏姦擾戶長費用有節滲漏有防稽考有政補置有漸先是郡飾厨傳以事常平刑獄二使者月一會集互致折餽清之嘆曰此何時也與其取諸民孰若裁諸公吾之所以事上官者惟究心於所職無負於吾民足矣豈以酒肉貨財爲勤哉清之自常祿外悉歸之公帑以佐經用至之日兵無糧官無奉上供送使無可備已而郡計漸裕民力稍蘇或有報白手自書之吏不與焉嘗作諭民書一編首言畏天積善勤

力務本農工商賈莫不有勸教以事親睦族教子祀先謹身節用利物濟人昏嫺以時喪葬以禮詞意質直簡而易從邦人家有其書非理之訟日爲衰息念士風未振每因月講復具酒肴以燕諸生相與輸情論學設爲疑問以觀其所向然後從容示以先後本末之序來者日衆則增築臨蒸精舍居之其所講先正經次訓詁音釋次疏先儒議論次述今所紬繹之說然後各指其所宜用人君治天下諸侯治一國學者治心治身治家治人確然皆有可舉而措之之實爲閱武場凡禁軍役於他所隱於百工者悉按軍籍俾詣訓閱作朱陵道院祠張九齡韓愈寇準周敦頤胡安國於左祠晉死節大守

劉翼宋死節內史王應之於右雅儒吉士日相周旋其
闕而參佐謀論多在焉劉孝昌者攀之孫也貧不自立
清之買田以給之部使者以清之不能媚已惡之貽書
所厚臺臣誣以勞民用財論罷主管雲臺觀歸築槐陰
精舍以處來學者胡晉臣鄭僑尤衰羅點皆力薦清之
於上光宗卽位起知袁州而清之疾作猶遺書執政論
國事諸生往候疾不廢講論語及天下孜孜嘆息若任
其責者病且革爲書以別向潛彭龜年賦二詩以別朱
熹楊萬里取高氏送終禮以授二子曰自歛至塋視此
從事周必大來視疾謂曰子澄其澄慮清之氣息已微
云無慮可澄遂卒初清之旣舉進士欲應博學宏詞科
及見朱熹盡取所習焚之慨然志於義理之學呂祖謙
張栻皆神交心契汪應辰李燾亦敬慕之母不逮養每
展閱手澤涕泗交頤從兄肅流落新吳族父葉寓丹陽
艾寓臨川皆迎養之從祖子僑爲邵州錄事叅軍死吳
錫之亂清之遣其孫晉之致書邵守得其遺骨歸塋焉
族人自遠來館留之不忍使之遽去嘗序范仲淹義莊
規矩勸大家族衆者隨力行之本之家法叅取先儒禮
書定爲祭禮行之高安李好古與其族人以財爲訟見
清之豫章清之爲說訟家人二卦好古惕然遽舍所訟
市程氏易以歸卒爲善士所著有曾子內外雜篇訓蒙
新書外書戒子通錄墨莊總錄祭儀時令書續說苑文

孝友

△張紋字子儀自少端重強記博覽舉紹興三十年進士

主澧陽簿為政廉勤綽有時譽調衡州錄事參軍改宜

春令為人孝友自衡扶輿歸值秋旱舟不能前禱神江

忽暴漲衡人異之以為孝感所致所著有愚谷集十五

卷歷代年表二十卷又做温公修歷代史未脫稿而卒

子洽秦志

△劉荀字子卿嘗從胡寅張九成學筆所得二公緒言曰

思問記淳熙中知餘干縣未滿適周必大為相以荀首

薦改通判德安知盱眙軍胥吏與僧為奸互市法乾沒

幾盡荀至通商課入羨會詰黠商挾禁物者竟中飛語

罷祠起知沅州卒所著政規明本座右記文源癡兒錄

德安守禦錄都梁記問邊防指掌圖南北聘使錄總七

十六卷秦志 參府志

△袁震字時敷少罹兵革負米養親力學不倦紹興初屢

困場屋郡秀多游其門後舉進士主武岡簿人咸師尊

之再調吉水丞未赴而卒秦志

△陳琦字擇之少力學嘗從張栻遊乾道二年進士初主

衡陽簿辯雪冤獄賑荒柳桂糴無闕籍民甚德之遷領

縣丞改令興國丞相留正鎮蜀辟主管機宜文字事無

鉅細多咨焉卒於官琦為人明敏縝密雖嚴而恕能文

善古律所著有克齋集藏於家參採人物志

克齋集

官業

孝友

見通志

明本座右記卷
德安守禦錄卷

官業

愚谷集
歷代年表

荀首著明本
卷已採入

△劉誠之字子開立禮五世孫少力學有大志乾道進士

歷官州縣卓有政績嘗為吏部郎後出提舉浙東常平

除直秘閣知平江府平反冤獄人以比錢若水加直敷

文閣知夔州改湖南運判奉祠卒府志

△韋楫字濟川甫葑而孤母守義鞠之長受業於楊愿學

極賅博為文瑰奇瞻縵與人唱酬累數千言或酒酣操

筆立就字字有源委嘗魁鄉貢四舉乃登乾道五年乙

科對策逾二萬言知宜化縣通判房陵遷知宜州所至

剖決無滯獄祖有田廬悉以讓兄清江上流有桐塘陂

阮受大江之衝壞民田二千頃楫按故法為築隄防水

五都之壤皆為上腴卒有遺文若干卷藏於家府志

文苑

文苑

△朱景文字元成讀書蒐獵該貫為文立就雄贍豪爽如

其人登乾道五年進士筠州司戶調分宜簿卒所著有

批鱗稿五十篇文集四十卷秦志

批鱗稿

△彭龜年字子壽七歲而孤事母盡孝性穎異讀書能解

大義及長得程氏易讀之至忘寢食從朱熹張栻質疑

而學益明登乾道五年進士第授袁州宜春尉吉州安

福丞鄭僑張均同薦除太學博士殿中侍御史劉光祖

以論帶御器械英端徙太府少卿龜年上疏乞復其位

貽書宰相云祖宗常改易差除以伸臺諫之氣不聞改

易臺諫以伸倖臣之私兼魏王府教授遷國子監丞以

侍御史林大中薦為御史臺主簿改司農寺丞進秘書

理學

明一統志創在嘉志之先見
較難自必從之惟用字注照

郎兼嘉王府直講光宗嘗親郊值暴風雨感疾大臣希得進見久之疾平猶疑畏不朝重華宮龜年以書譙趙汝愚且上疏言壽皇之事高宗備極子道此陛下所親觀也况壽皇今日止有陛下一人聖心拳拳不言可知特遇過宮日分陛下或遲其行則壽皇不容不降免到宮之旨蓋為陛下辭責於人使人不得以竊議陛下其心非不願陛下之來自古人君處骨肉之闕多不與外臣謀而與小人謀之所以交鬪日深疑隙日大今日兩宮萬萬無此然臣所憂者外無韓琦富弼呂誨司馬光之臣而小人之中已有任守忠者在焉惟陛下裁察又言使陛下虧過宮定省之禮皆左右小人閹諜之罪宰

執侍從但能推父子之愛調停重華一諫但能仗父子之義責望人主至於疑閹之根盤固不去曾無一語及之今內侍閹諜兩宮者固非一人獨陳源在壽皇朝得罪至重近復進用外人皆謂離閹之機必自源始宜亟發威斷首逐陳源然後肅命鑾輿負罪引慝以謝壽皇使父子歡然宗社有永顧不幸與居無何光宗朝重華都人歡悅尋遷起居舍人入謝光宗曰此官以待有學識人念非卿無可者龜年述祖宗之法為內治聖鑑以進光宗曰祖宗家法甚善龜年曰臣是書大抵為宦官女謁之防此曹若見恐不得數經御覽光宗曰不至是他日龜年奏臣所居之官以記注人君言動為職車駕

不過宮問安如此書者又數十矣恐非所以示後有旨幸玉津園龜年奏不奉三宮而獨出宴遊非禮也又言陛下誤以臣充嘉王府講讀官正欲臣等教以君臣父子之道臣聞有身教有言教陛下以身教臣以言教者也言豈若身之切哉紹熙五年五月壽皇不豫疾寢華龜年連三疏請對不獲命屬上視朝龜年不離班位伏地叩額久不已血漬鬢髮光宗曰素知卿忠直欲何言龜年奏今日無大於不過宮光宗曰須用去龜年言陛下屢許臣一入宮則又不然內外不通臣實痛心同知樞密院余端禮曰叩額龍墀曲致忠悃臣子至此爲得已耶上云知之孝宗崩寧宗受禪是夕召對寧宗蹙額

云前但聞建儲之義豈知遽踐大位泣辭不獲至今震悸龜年奏此乃宗祏所繫陛下安得辭今日但當盡人子事親之誠而已因擬起居劄子乞日進一通又與翊善黃裳同奏往朝南內因定過宮之禮乞先一日入奏率百官恭謝寧宗朝泰安宮至則寢門已閉拜表而退時議欲別建泰安宮而光宗無徙宮之意龜年言古人披荆棘立朝廷尚可布政出命况重華一宮豈爲不足哉陛下居狹處太上居寬處天下之人必有諒陛下之心者由是宮不果建遷中書舍人劉慶祖已帶筵郡承宣使而以太上隨龍人落階官龜年繳奏寧宗批可與書行龜年奏臣非爲慶祖惜此一官爲朝廷惜此一門

耳夫可與書行近世弊令也使其可行臣卽書矣使不可行豈敢因再令而遂書哉。宣宗嘗謂退朝無事恐自怠惰非多讀書不可。龜年奏人君之學與書生異惟能虛心受諫遷善改過乃聖學中第一事豈在多哉。一日御筆書朱熹黃裳陳傅良彭龜年黃由沈有開李燾京鏗黃艾鄧駟十人姓名示龜年云十人可充講官否。龜年對曰陛下若招揀一世之傑如朱熹輩方厭人望不可專以潛邸學官爲之。尋除侍講遷吏部侍郎升兼侍讀。龜年知事勢將變會暴雨震雷因極陳小人竊權號令不時之弊遣充金國弔祭接送伴使。初朱熹與龜年約共論韓侂胄之姦會龜年護客熹以上疏見絀。龜年

聞之附奏云始臣約熹同論此事今熹旣罷臣宜併斥不報迨歸見侂胄用事勢權重於宰相於是條數其姦謂進退大臣更易言官皆初政最關大體若大臣或不能知而侂胄知之假託聲勢竊弄威福不去必爲後患上覽奏甚駭曰侂胄朕之肺腑信而不疑不謂如此批下中書予侂胄祠已乃復入。龜年上疏求去詔侂胄與內祠。龜年與郡以煥章閣待制知江陵府湖北安撫使。龜年丐祠慶元二年以呂棐言落職已而追三官勒停。嘉泰元年復原官起知贛州以疾辭除集英殿修撰提舉冲佑觀開禧二年以待制寶謨閣致仕卒。龜年學識正大議論簡直善惡是非辨析甚嚴其愛君憂國之忱

止堂訓蒙

經解祭儀

正致錄

奏議外制

官業

文苑

官業

官業

先見之識敢言之氣皆人所難晚既投悶悠然自得幾
 微不見於顏面自偽學有禁士大夫鮮不變者龜年於
 關洛書益加涵泳扁所居曰止堂著止堂訓蒙蓋始終
 特立者也聞蘇師旦建節曰此韓氏之陽虎其禍韓氏
 必矣及聞用兵曰禍其在此乎所著書有經解祭儀正
 致錄奏議外制侂冑誅林大中樓鑰皆白其忠寧宗詔
 贈寶謨閣直學士章穎等請易名賜諡忠肅上謂穎等
 曰彭龜年忠鯁可嘉宜得諡使人人如此必能納君於
 無過之地未幾加贈龍圖閣學士而擢用其子欽宋史
 蔡浩然字養正乾道八年進士繇戶曹兩為郡博士改
 知安化邑抵溪峒素號難治視篆未幾去猾吏抑豪強

溪峒悉安用薦授南安通判尋以疾奉祠子鑑武舉出
 身武翼郎次子鉉通直郎秦志

徐得之字思叔夢莘弟淳熙十一年與其子筠同科進
 士歷仕州縣開禧初次子天麟登第遂以通直郎致仕
 嘉定中特轉朝請郎所著有左氏國紀二十卷史記年
 紀鼓吹詞柳江志叢筆畧若干卷秦志

徐筠字孟堅得之長子早歲擢第初主攸縣簿尋判潭
 州會峒寇起筠城守嚴備不敢犯擢知全州林志作上
 裕民五事乞免本州和糶從之所著有漢官考四卷周
 禮微言姓氏源流諸書秦探林志

彭鉉字仲節以父龜年廕錄用嘉定癸未知寧都縣繕

臨川可否錄

梅州備寇錄

兵議事錄

孝友

城衛民置田贍學幹辦湖南運司以捕寇功除直秘閣
知廣州廣東安撫使尋直華文閣改知贛州蠲逋負二
十萬遣直寶謨閣湖南轉運使著有臨川可否錄梅州
備寇錄兵議事錄秦志

△

王光祖字仲顯祖勇建炎末知臨江軍因家清江光祖
孝友坦易喜讀書居官廉勤有志事功改知衡陽縣受
知部使者檄攝郡事又辟守昭潭丁內艱廬墓服闋擢
知瓊州嘗病廣右鹽法不便光宗卽位以光祖爲都提
舉兩路鹽法盡行公私便之卒於官林志

鄧志曰按王光祖自其祖家清江已歷三世舊志
府志俱入寓賢未爲允協今改歸人物

隱逸

△

向士虎字伯虎子諲孫七歲時聞祖誦陶靖節詩竦聽
若有所得及長果無宦情蔭茂名尉不就乞祠先是士
虎父任興國軍俸入什伍暨卒守者納還其半士虎不
受特添差吉州判官再授嵩祠請納祿丞相周必大嘗
薦舉隱逸固辭以文林郎致仕適意賦詩每有物外之
趣自號桂隱散人所著有桂隱集參用林志及秦志

△

劉師文性至孝其母得末疾劇甚師文與其弟爲壇禱
之乞捐已算延母壽已而果瘳有子昌詩登開禧進士
秦志

孝友

△

傅自立性至孝幼時兵亂失母乃齋戒籲天屏粒食唯
啖菽飲水行求其母竟得之筠州之境子希曾開禧進

孝友

官業

士權知賀州人以為純孝之報云梁寅石門集

△劉性之字子仁誠之弟也登乙科為廣東經畧司幹官

時蠻獠猖獗擾諸州性之奉帥檄督捕直搗洞穴擒其

酋長特旨改秩後為荆湖制置司參議官贊畫從容多

所裨益擢知峽州秩滿陞監察御史終大府丞奉祠府志

△徐天麟字仲祥得之次子開禧元年進士調撫州教授

歷湖廣總領所幹辦公事臨安府教授浙西提舉常平

司判官主管禮兵部架閣宗學諭武學博士輪對言人

主當持心以敬奉祠仙都觀通判惠潭二州權英德府

權發遣廣西轉運判官所至興學立教有惠政著西漢

會要七十卷東漢會要四十卷漢兵本末一卷西漢地

理疏六卷山經三十卷既謝官作亭蕭灘之上畫嚴子

陵像事之宋史

△劉昌詩孝子師文之子登開禧元年進士博宗羣籍為

文精於考據江濱有盧洲相傳為唐盧肇讀書處昌詩

結屋於此曰盧浦草堂著書其中凡先儒之訓傳歷代

之故實文字之訛舛地理之遷變皆得溯其源而括其

流成書凡十卷曰盧浦筆記盧浦筆記序

△趙與峕字德行宋宗室也世居清江祖師炳舉進士官

大理卿與峕以門蔭入官調臨安戶曹待次十年無書

不究嘗遊慈湖楊簡之門聆其議論大有所得起知仁

和歷遷金部版曹極力爬梳積弊頓革按籍督違老吏

宋符紀事謂
徐氏世有史
學所著書
皆行於世

官業

文苑

盧浦筆記

傳林

官業

縮手擢將作監兼右司上問理財何術對以無踰節用上謂大臣類多牽制對以自明公道始皆嘉納之上方欲大用未及卒所著有賓退錄十卷史翼一百六十卷

隆慶志



△張洽字元德交城第進士洽少穎異從朱熹學自六經

傳註而下皆究其指歸至於諸史百家山經地志老子浮屠之說無所不讀嘗取管子所謂思之思之又重思之思之不通鬼神將通之之語以為窮理之要熹嘉其篤志謂黃幹曰所望以求斯道之傳如二三君者不數人也時行社倉法洽請於縣貸常平米二百石建倉里中六年而歸其本於官鄉人利之嘉定元年中第授松

鄧志多此六字係依宋史原
理學

文也本邑志中刪

滋尉湖右經界不正弊日甚洽請行推排法令以委洽洽於是令民自實其土地疆界產業之數投於匱乃籌覈而次第之吏姦無所匿其後十餘年訟者猶援以為證云改袁州司理參軍有大囚訊之則服尋復變異且力能動搖官吏累年不決而逮繫者甚衆洽以白提點刑獄殺之有盜黠甚辭不能折會獄有兄弟爭財者洽諭之曰訟於官祇為胥吏之地且冒法以求勝孰與各守分以全手足之愛乎辭氣懇切訟者感悟盜聞之自伏民有殺人賄其子焚之居數年事敗洽治其獄無狀憂之且白郡委官體訪俄夢有人拜於庭示以傷痕在脇翼日委官上其事果然郡守以倉廩虛籍倉吏二十

餘家命洽鞫之。洽廉知爲都吏所賣。都吏者。州之巨蠹也。嘗干於倉吏。不獲。故以此中之。洽度守意銳。未可嬰。姑繫之。而密令計倉廩所入。以白守。曰。君之籍二十餘家者。以胥吏也。今校數歲之中。所入已豐於昔。由是觀之。胥吏妄矣。君必不忍受胥吏之妄。而籍無罪之家也。若以罪胥吏。過乃可免。守悟。爲罷都吏。而免所籍之家。知永新縣。一日謁告。聞獄中榜笞聲。蓋獄吏受財。乘閱訊囚。使誣服也。洽大怒。亟執付獄。明日以上於郡。黥之。湖南鄣寇作亂。與縣交壤。民大恐。洽單車以往。邑佐寓士交諫。弗聽。至則寇未嘗至。乃延見隅官。訪利害。而竊之。因行安福地上。結約土豪。得其歡心。未幾南安僻寇將犯境。聞有備。乃去。以江東提舉常平。薦通判池州。獄有張德修者。誤蹴人以死。獄吏誣以故殺。洽訊而疑之。請再鞫。守不聽。會提舉常平袁肅至。時方大旱。禱不應。洽言於甫。曰。漢晉以來。濫刑而致旱。伸冤而得雨。載於方冊可考也。今天大旱。焉知非由德修事乎。甫爲閱疑狀於獄。德修遂從徒罪。復白郡。請蠲征稅。寬催科。以召和氣。守爲寬稅三日。果大雨。民甚悅。洽數以病請祠。至是。主管建昌仙都觀。以慶壽恩。賜緋衣銀魚。時袁甫提點江東刑獄。甫以白鹿書院廢弛。招洽爲長。洽曰。嘻。是先師之跡也。其可辭。至則選好學之士。日與講說。而汰其不率教者。凡養士之田。乾沒於豪右者。復之。學興。卽

謝病去。端平初，大臣多薦洽，召赴都堂審察。洽以疾不赴，乃除秘書郎，尋遷著作佐郎。度正葉味道在經幄，帝數問張洽何時可到，將以說書待洽。洽固辭，遂除直秘閣，主管建康崇禧觀。嘉熙元年，以疾乞致仕。十月卒，年七十七。洽自少用力於敬，故以主一名齋。平居不異常人，至義所當為，則勇不可奪。居閑不言朝廷事，或因災異變故，輒齟齬不樂。及聞一君子進用，士大夫直言朝廷得失，則喜見顏色。所交皆名士，如呂祖儉、黃幹、趙崇憲、蔡淵、吳必大、輔廣、李道傳、李燔、葉味道、李閔祖、李芳子、柴中行、真德秀、魏了翁、李塹、趙汝諧、陳貴誼、杜孝嚴、度正、張嗣古，皆敬慕之。卒後一日，有旨除直寶章閣，所

文集

此後倍為一行

儒林

官業



官業

著書有春秋集注、春秋集傳、左氏蒙求、續通鑑長編事畧、歷代郡縣地理沿革表、文集、子櫟、檉、賜同進士出身。
宋史 按人物志張洽諡文憲史傳補志林傳後

孔鑑，字規祖，少刻苦，精於詞賦。中年崇尚理學，與修江李燔、余宗傑為友，每為一集，質疑辨難，剖晰精微。後學宗之。林志

王采，字少白，寶慶二年進士。江陵錄事參軍，以功改奉議郎。淮南節度判官，元兵逼濠州，李制置庭芝檄采監軍，力戰解圍。濠平，除濠州通判。秦志

王札，字季朋，采之弟。以門蔭，歷松江制閫幕，以能擢守竟陵。時襄陽失守，郡當要衝，兩被重圍，竭力固守，人皆

孝友

春秋幼學
記南齋錄

文苑

文苑

草窗文藁

官業

效死敵不能攻卒完城轉朝請郎以母老奉祠

傅實之字莊父登寶慶第調分宜簿時祖母蕭氏壽百

有八歲母楊氏亦八十餘蕭卒以嫡孫承重不赴官弟

謙之字溫父開禧甲子以春秋首選當陞對亦以母老

不赴兄弟怡怡承歡一室文行為鄉里所推學者以南

齋西齋先生稱之太守名其地為慶壽里瀋祐中謙之

獻八箴十事稱旨授承事郎所著有春秋幼學記實之

有南齋錄參採林志

鄒登龍字震父隱居不仕結屋於邑之西郊種梅繞之

自號梅屋有孤山處士之遺風焉吟藁一卷劉後邨戴

石屏真西山咸稱之後邨謂其語極清麗石屏云讀其

詩如行春風巷陌閑見時花遊女動人心目多矣西山

云金至百鍊而精珠穿九曲而巧鄒君之詩之謂與其

為當時詩人矜許如此宋百家詩存小傳

王選字少登采之子以春秋登嘉熙二年進士授零陵

簿東安盜起奉帥檄督捕盜平特差湖北帥幹尋改知

醴陵生平力學飭行遠近師之相與計偕登科第者相

望所著有草窻文藁府志

聶嘉字愚仲幼貧而嗜學寶祐乙卯拔解丙辰進士授

巔縣尉時北兵瞰上流所在瀕洞凡設烽燧築排柵諸

事皆身任之民賴以全縣有殺人者無主名以數人姓

名下尉捕嘉疑而釋之獲其真者以報有讐民相屠至

名下尉捕嘉疑而釋之獲其真者以報有讐民相屠至

官業

百人悉致於庭坐而曉譬之皆相顧自責曰尉活我也
改臨安司理有大獄數年不決悉得姦狀立正典刑尋
辟浙西帥司授宣教郎知瑞金縣卒居官行事纖悉必
記而養廉微俸亦別籍自識嘗曰事不可對人言者不
可書則吾不為之矣貨之悖而入者不可記則吾不有
之矣所著有儒宗友錄仕學心錄等書秦志

△徐卿孫字麒仲景定三年進士善化簿擢監察御史轉
右正言進見即以厲人才飭軍政結民心三事為言襄
陽陷賈似道蒙蔽不正僨軍之罰卿孫疏論反復累數
十百言乞拔李芾文天祥不報尋拜兵部侍郎兼江西
轉運未赴北兵渡江御史中丞陳過庭等相繼遁走卿

孫謂人曰自古無走臺諫宋亡後五年卒所著奏疏文
集三十卷秦志

文苑

△楊應登字幼平寬厚長者有德行言詞七試國子不第
退就耕牧老於南塘以詩名孫雯字天章亦能詩清江
有宋武帝廟雯嘗過而題詩新城王士正稱其不減杜
甫云谷音參夫于亭記

文苑

△黃祁字希宋少孤力學自奮早以能詩稱累舉對策入
高等調高安簿邑劇事繁令多分委予奪民德之所著
有德庵類藁三十卷詩藁二十卷集錄十卷林志

孝友

△趙孟玖宗室子母病殆孟玖剖股和藥進病輒愈有司
表其門曰篤孝秦志

△趙孟濟字君用宋宗室世居清江擢咸淳乙丑進士第待次潮陽法曹德祐乙亥郡檄攝元僚俾衛鄉社里有橫卒縱火欲倡亂乃懸賞撲滅疏其罪於郡而梟之一軍稱快城危事急守倅奔竄遂與總統丁應明閉譙門登樓椎鼓以張虛聲兵竟越境而去未幾湖北潰軍與廣西勤王軍城南相持居民驚避乃慨然入陣撫諭兩軍感泣和解籍其部伍幫券遣之制置司以衛城功聞於朝有旨擢清江令居官介特豪猾屏息吉水布商葉四十等七人自江黃州歸郡疑為姦細檄濟勘問力辯其冤權守吳易直必欲置重典爭執不勝納印歸守悟遂釋之禮請還職冬鄰郡不守太守滕巖瞻以下皆遁

令獨留攝倅護印明年正月滕守回二月兵再臨城守復遁濟留不去死之初楊橋之役丁應明歿於陣孟濟惜其勇毅白於郡申聞於朝官其二子秦志

鄧志曰趙孟濟以宗室居清江應為清江人舊志入名宦今改歸人物

△侯逢丙字唐卿其先籍開封徙家廬陵再遷清江逢丙幼孤孝養寡母魁岸偉邁援筆成章善法書工吟咏壯年有志四方淮蜀湘廣足跡靡不到當路交辟歷授幕職再辟督府諮議宋亡絕意仕進隱於樟樹鎮製藥以惠遠邇其所分濟徧滿東南起身儒素尚義好施石以砌江岸篋以發市糶歲饑施粥冬寒施衾楮薪炭死而

孝友

貧者昇之棺子登授管軍把總亦以侍親不願仕逢丙卒黎立武撰誌銘吳澄表其墓吳澄文集

△ 聶斗月字文範邑之崇學鄉人本翰林學士徐某猶子聶應泰為餘姚主簿初未有子愛其秀偉撫而子之斗月博綜羣書辭藝超眾咸瀆癸酉轉運司以進士貢於禮部元初革命姦黠乘時漁獵至元壬辰劇盜猝至質人以求貨斗月納重賂免其母身留賊中同時被繫之人悉意調撫盡脫乃已既歸奉母而居搢紳款門問政雲萍旅寄待而舉火至大中薦授萍鄉州教授以疾弗赴後進稱守愚先生初應泰既子斗月後生四子而應泰卒斗月友愛如同出教之各使成才仲弟斗韓擢惠州路儒學教授事斗月終其身如事父云同上

右宋人物鄧志增補十七人內附傳三人更秦志二人共六十有八人

元

△ 黃圭字唐佐宋末與羅志仁同領鄉薦元初有詩各以知者薦授莆田縣丞學者稱為西月先生廬陵劉辰翁嘗稱之曰黃西月五言羅秋壺小詞他人莫能及也舊志

文苑

文苑

△ 羅志仁字壽可幼時蕭蔚見而奇之及長嗜學多文就試主司閱其詩有冷吸蟬吭露清搖鶴背霜之句疑非烟火人語明年上春官適國事倥傯乃縱遊名山大川以歸元世祖至元丁亥應薦為天長書院山長初留夢

隱逸

炎、文天祥俱宋季大魁也。夢炎作相，身享富貴三十年。仕元為尚書，天祥纔登第，丁父憂，仕途坎壈。乙亥，糾集義旅，播遷患難中，倚以為重。雖名為相，黃扉之貴，萬鐘之奉，無有也。志仁詩云：齧雪蘇郎受苦辛，庾公作老北朝臣。當年龍首黃扉者，猶是衡門一樣人。語意深婉，可為刺骨之論。嗟乎！士當伏處，賢不肖無以異也。及其一出而薰蕕不同性，舜蹠不同途者，往往而是。豈獨變革之際為然也哉？夢炎見詩，將物色羅織之。志仁急遞歸，獲免。日與黃圭飲酒賦詩，以壽終。舊志

徐必茂，字幼學，宋亡，以父卿孫，曾為宋侍郎，不欲仕，會有薦為長沙尉，上杭簿，安慶路同知，皆不就。以妹妻故

儒林

文丞相子陞，至大庚戌卒。秦志

范梈，字德機，家貧，早孤，母熊氏守義，躬自教之。梈天資穎異，所誦讀輒記憶，就詩工文，用力精深，人罕知者。年三十六，始客京師，有聲諸公闕中。丞董士選，延之家塾，以朝臣薦，為翰林院編修官，秩滿，御史臺擢海南海北道廉訪司照磨，巡歷遐僻，不憚風波瘴癘，遷江西湖東長史，素稱嚴明，於僚屬中獨敬異之。選充翰林供奉，御史臺又改擢福建閩海道知事，未幾，移疾歸故里，授湖南嶺北道廉訪司經歷，以養親辭。是歲母喪，明年以疾卒，年五十九。所著詩文多傳於世。吳澄以道學自任，少許可，嘗曰：若亨父，可謂特立獨行之士矣。為文志其墓。

以東漢諸君子擬之 元史

省志跋云按范德機工篆隸楷書尤長於詩時稱
虞楊范揭所著東坊集二十卷張伯雨題云一編
尚有東坊字慚愧詩中見大巫

孝友

△黃遵字正道孝友敏悟根於天質長遊淮壘值至元革
命受知元帥府爲管軍千戶以親老辭歸遭父喪兄弟
繼歿遵奉母撫孤內外雍睦父憲嘗以蒼山自號遵新
居宅程鉅夫爲題曰後山堂吳澄爲之記母年八十蒙
恩賜帛集里中高年婦爲壽及喪致客數郡年幾六十
孺慕如小兒市失火延燎幾逮遵撫母柩泣拜籲天俄
而火息隣居並免人謂孝感之功哀毀疾卒皮潛稱遵

隱逸

剛介自立不輕與人交事上接下各得其當樂施予賑
流落不以爲恩或受累不以爲怨而爲善益不倦吳澄
謂爲撫實云 吳澄文集

△皮儀字仲宜父弁與侍郎徐卿孫友善治毛氏詩有聲
儀嘗從族兄南雄總管撫定郡境有功帥府欲引用之
弗就名上省府署攝始興縣丞亦弗就赴急解紛慷慨
尚義鑒時燭物敏銳無滯思凡人用所資著發取棄靡
不中機厯覽湖湘淮淪而歸種菊盈庭故相章鑑爲題
堂曰菊逸汎掃一室讀書吟詩賓至焚香瀹茗觴咏諧
笑蕭散不羈宛若晉人風度年六十四卒 同上
△何岳生宋末以父澤廕將仕郎入元不仕窮居講受不

隱逸

隱逸

求聞達嘗作古今通紀詳誌歷代傳系始伏羲而訖於元初吳澄為之序稱其文昭晰從順雖未嘗讀史者亦一覽而知古今之大概云同上

△杜本字伯源博學善屬文江浙行省丞相忽刺木得其所上救荒策大奇之力薦於武宗召至京師未幾歸隱武夷山中文宗在江南時聞其名及即位以幣徵之不起至正三年右丞相脫脫以隱士薦召為翰林待制奉議大夫兼國史院編修官使者致君相意趣之行至杭州稱疾固辭本湛靜寡欲無疾言遽色與人交尤篤於義有貧無以養親無資以為學者皆濟之平居書冊未嘗釋手天文地理律歷度數靡不通究尤工於篆隸所著有四經表義六書通編學者稱為清碧先生卒年七十有五元史

鄧志曰按杜本固辭徵召嘗致書於丞相曰以萬事合為一理以萬民合為一心以千載合為一日以四海合為一家則可言制禮作樂而躋五帝三王之盛矣又嘗與虞集書自稱著書以究皇極經世之旨集為撰思學齋記所著詩各清江碧嶂集此外尚有史原歷原律原韻原同文正聲韻類等書

儒林

△黃良孫字世弼父鉞宋淳祐咸淳間四貢於鄉議論慷慨才猷卓犖世共稱之良孫從吳澄遊澄嘗主其家稱

儒林

其處父子兄弟夫婦朋友有可稱無可議而討論講貫修身踐行又有日長月益之功所以順其同克其異者已知所以用其力以進於古之聖人以薦為南城縣教諭改袁州路儒學正以父號雪厓於所居創雪厓書院吳澄為之記 吳澄文集

△皮潛字昭德以父南雄總管廕為邵陽縣丞廉潔有惠政考滿歸田二十餘年臺檄兩徵皆以疾不赴又再召強起為平江路判官少從草廬吳澄游澄作序送之稱其博記覽工談論為儒羣之騏驎吏治之鳳鸞家雖貧而節不改又云書學唐李秘監詩學宋黃太史俱升其堂而躋其裁又為撰尊德性道問學齋記著有昭德詩

集亦吳澄為之序

吳澄文集

昭德詩集

鄧志曰皮潛舊志及通志府志俱作縉草廬集中作潛潛之弟濛子榮俱見草廬集蓋世以水木相生為次命名諸志當屬譌寫宜以集為正又舊志作平江州判官平江即今蘇州府宋為平江軍元改平江路元時別無平江州之名今從李紱陸子學譜更正

文苑

△皮野字季賢儀之子務學工詩與吳澄何中善以薦為高安教諭旋引歸授徒於里構書樓致樂以養其親有詩一卷吳澄為之序子疇字魯壽以善書薦於朝早卒何中誌其墓又有皮季章皮達觀皮魯瞻者季章當從

儒林

四書名考

父為南雄總管時，依託干進者紛紛，季章獨澹然屏處，以閑自喜，非歲時起居不一至。吳澄稱之，達觀從澄遊，於太極先天之理，融液於心。澄序其詩，以謂不以外樂易內樂，識量超邁，魯瞻從族父遊京師，有紀詠數十篇，亦澄序之。時元明善自負才高，於人寡許可，獨稱魯瞻云。吳澄文集參何中文集。

△周良佐嘗以朱子釋四書義理至精，然所引用人名及其事實，初學或有所未詳，乃博考備述，俾人名事實坦然明白，閱又發揮其辭語，通暢其旨趣，名曰四書名考。吳澄序之，以謂予雖老，亦願得此編，嘗置書案閱，不特可為初學之益而已。吳澄文集

隱逸

鐘鼎古文韻

△楊鈞字信可，家於彬溪之上，隱居篤學，與吳澄揭奚斯友善，足跡徧四方，壯歲以能詩見知於翰林學士盧摯，又精探古今文字之本原，自編鐘鼎古文韻，刊版盛行於世。晚歲倦遊，安貧自守，恬淡循理，無纖毫妄求妄作之事。子湘字楚經，亦嗜學，善書法，揭奚斯為作字說，以子妻之。吳澄文集參秋宜集

文苑

△徐基字仕崇，得之裔，少有才名，學問該博，草廬吳澄嘗示以為學之方。元統間，用薦為書院山長，辭歸。所著有玲瓏窻吟藁。林志

文苑

△楊桂芳工詞賦而善歌詩，吳澄稱其詩甚淳美，能上達屈騷風雅頌之旨，非山澤枯槁。田野闕曠者，徒吟詠風

卷之三十八

五

儒林

花雪月而已吳澄文集

△曹貫字伯通未弱冠即勤於學受業吳澄之門獲聞道德性命之說欣然有所領會澄稱其可與語上嘗作字說貽之同上

儒林

春詠亭藁

儒林

△宋沂字子與一曰字吾與由國子生擢藝文監掾遷韻州路從事復除常山縣尹少從草廬吳澄遊與范梈傳若金善澄嘗作字說貽之謂其身九衢埃壒之途目四海名利之府遠想聖門沂浴之樂超然而悟悠然而得所著有春詠亭藁元百家詩小傳參吳澄文集

△晏然字所同受業於翰林應奉范梈以學士元明善薦授播州儒學正嘗謁崇仁吳澄澄作序贈之稱其才藝足為世用云吳澄文集

儒林

文苑

△徐鑑字則用弟鏞更名九成字則韶必茂子兄弟俱遊吳澄之門鑑通經術閑時務尤深於易嘗一至京師中朝鉅公莫不交之以薦授征東行省理問所知事不就九成補國子生擢播州學正亦有學行同上

△習是六七歲已善書廣輪或五尺許運筆如飛似不經意而勁健適美雖老於觚翰者嘆為莫及至大中行省以奇童上於朝發充國學弟子員時吳澄為司業授之業踰年以疾還竟卒澄聞為之泣然同上

孝友

△黃贊字子敬其父君道延祐間求官京師泛遼海為富商平章馬某家永平以女妻之初君道有二子一女留

按道志黃

殘傳後有

跋語一段云

黃慶林

志人物志俱

不載今采危

太朴所撰黃

孝子傳增入

危太朴曰唐

元和間趙來

章求其父於

柳州無能知

其墓處神具

適似之嗚呼

誠孝之動於

鬼神若是可

不慎哉原跋

忠義

善士

儒林

大易象數

鈎深圖

江西贊既長思慕其父一旦稟命於母走永平則父死
 三年家僮亦亡矣庶母聞其至棄所生兒於市盡挾其
 貲以嫁人贊號哭取幼弟勺乳於鄰媪哺之出入必親
 抱負然莫有指其父墓處者贊日泣以語人曰吾苟見
 庶母告以父墳所在死不恨遺財秋毫無所計且徧懇
 於官府久之真定賈惟貞出守永平贊往懇焉守愴然
 哀之至正十一年聞庶母匿開元海濱亟裹糧求之堅
 拒不見贊哭其門三日扳父老懇之不獲已強其弟偕
 至永平屬縣之樂平掘地丈餘無所見中夜禱於神明
 既倦就寐夢一老叟鬚眉皓白杖而前指墓處曰得片
 甌乃墓處也言訖不見明日掘地丈餘果有甌庶母之

弟曰此其處矣殮時有某物為驗啟朽棺殮時物具在
 贊濯骨灤水負之而歸守與前奎章學士北平李訥及
 僚佐下吏皆贈贖之說學齋集

△趙由佖延祐二年任寧都州同知禦寇陣亡贛州志

△朱誼立字仁昭天厯間蒙古驛史出為南雄路推官歷

南寧路總管卒誼立居己甚謙遇鄰人無少長皆揖之

人無闕言秦志

△張理字仲純舉茂材異等歷仕泰寧教諭勉齋書院山

長終福建儒學副提舉著易象圖說三卷大易象數鈎

深圖三卷其序曰圖書者天地陰陽之象也易者聖人

以寫天地陰陽之神也故一動一靜形而為一一一

奇偶生生動靜互變四象上下左右相交而易卦畫矣
三以畫天三以畫地三以畫水三以畫火三以畫澤三
以畫山風因於澤雷因於山卦以表象象以命名各以
顯義義以正辭辭達而易書作矣將以順性命之理究
禮樂之原成變化而行鬼神者要不出乎圖書之象與
數而已圖之天○者一也圖之地●者一也圖之中☉
者四象×古五行也陽數一三×參天也陰數二四兩
地也參天數九陽之用也兩地數六陰之用也書之衡
三卦之體也書之井九卦之位也書之縱橫十×卦之
合也河圖洛書相爲經緯×十者圖書之樞紐也以×
重十☉則左右前後者河圖四正之體也以×交十

則四正四隅者洛書九宮之文也順而左還者天之圓
渾儀歷象之所由制逆而右布者地之方封建井牧之
所由啟也以圓函方☉以方局圓☉則範圍天地之化
而不過曲成萬物而不遺矣唯人者天地之德陰陽之
交鬼神之會×行之秀氣也身半以上同乎天身半以
下同乎地頭圓足方腹陰背陽離目外明坎耳內聰口
鼻有肖乎山澤聲氣有象乎雷風故天下之理得而成
位乎其中是知易卽我心我心卽易故推而圖之章之
爲六位而三極備叙之爲六節而四時行合之爲六體
而身形具經之爲六脈而神氣完表之爲六經而治教
立協之爲六律而音聲均官之爲六典而政令修統之

清江縣志 卷一
爲六師而邦國平。是故因位以明道、因節以叙德、因體以原性、因脈以凝命、因經以考禮、因律以正樂、因典以平政、因師以慎刑、而大易八卦之體用備矣。八卦相錯、相摩相盪、因而重之、變而通之、推而行之、而六十四卦、圓方變用之圖出矣。圓者以效天、方者以法地、變者以從道、用者以和義、然後著策以綜其數、變占以明其筮、分掛揲歸、交重反變、悉爲圖以顯其象、爲說以敷其趣。雖其言不本於先儒傳註之旨、或者庶幾乎聖人作易之大意、改而正之、諗而訂之、是蓋深有望於同志焉。後至正二十四年、貢師秦序其書傳世。元史類編

鄧志曰：張理元史無傳，邵氏續宏簡錄特爲補傳。

錄其易象圖說自序一篇，足以括其書之大意。而貢師秦序稱斯圖之作，非深有得於易者，不足以知之。又有黃鎮成序，稱張仲純於諸經無不通，尤邃于易，其圖說皆出於自然，而無所穿鑿。當續邵子朱子之圖，而自爲一家。閱書張理傳云：理嘗從杜本於武夷，盡傳其學，以其所得於易者，演爲十有五圖，以發明天道自然之象。延祐中，任福建儒學提舉，蓋杜本嘗著書以究皇極經世之旨。張理圖說推闡邵朱二子先天之學，實本諸其師說云。舊志張理與子子定合傳，今採元史續宏簡錄子定，改入明別傳。

官業

文苑

志義

志義

文苑

按張尚瑗激水志林載陳文彬失其名文彬其字也清江人尹興國蔡和劉松

趙思順順帝至元間為分宜縣尹得士民心立縣官題名碑袁州志

名碑

裴夢霆字應祥性孤潔嘗築室南郊儲書四千卷扁曰

原南草堂日與郡人彭聲之楊伯謙輩講學賦詩時稱

三鳳至正辛卯進士授江浙儒學副提舉未行壬辰兵

變議集義兵備禦未幾卒所著有鳴秋稿人物志

劉應樞永之季父為金州學正秩滿歸值元季亂舉義

兵為賊所殺秦志

劉天祐杜塘人隸軍籍成太平汎元末紅巾寇起郡城

陷天祐謀復之盜捕之亟乃閤道趨新淦會淦義兵鄒

民用等夜渡金川天祐併力復淦樹柵自固戰於柵下

嘗以阜旗麾眾賊望而畏之相持十月餘援絕糧盡突

圍趨吉安賊追至江家墟馬陷於淖賊兵圍之短兵相

接天祐猶手刃數十人被執罵不絕口死其六子曰仁

義禮忠德慶聞難皆死之郡人立像祠之秦志參通志

楊士宏字伯謙其先襄城人祖仲明以世官占籍清江

士宏嗜學工詩樂府著鑑池春草集及選唐音行世一

統志

陳文彬尹興國至正戊戌偽漢既陷贛遣兵窺興國文

彬初莅事率民固守凡再却之城以全癸卯乃為保障

計繕墉堞浚城隍疏水環焉門有五舊無甕城至是始

備葺文廟講堂置尊經閣興文講學民不知為喪亂之

雲客遊興國

世劉槎翁集

槎翁又有為興國士民作陳令并德政碑一

與文彬善文

彭鏞字聲之，邇年七世孫，讀春秋，通大義，工詩，與郡人

彬多善，故修

楊士宏，裴夢霆輩，結詩社，虞集見而奇之，曰：臨江詩道

年廢，陸時

之盛，他郡莫及，嘗自稱匏庵道人，以性嗜酒，晚又號清

為子，死，俱見

江酒民，所著有惠櫟稿秦志

槎翁集

鄭志曰：舊志彭鏞入明人物，今依通志更正

蕙誤惠當

文苑 周恒，字道成，聰敏嗜學，通蒙古文，薦為東宮伴讀，丁外

更正楊音

艱歸，元末兵起，郡城陷，恒倡義師復之，大府上其功，授

眠本楚詞

義兵千戶，江西失守，落職，教授於鄉，明洪武初，預修禮

九歌辨蕙

書，所著有櫟隱集林志

楊兮既張

鄧志曰：舊志周恒入明寓賢，按恒祖繪，家臨江，至

恒已百餘年，通志更入人物為是，但仍列之明代

未允也，今更正

右元人物，鄧志增補二十四人，內附傳五人，更秦

志三人，共三十七人



縣志

民所有有之

御之曰

子道及

共三十一

古

余

子